

# *GO BALA GO THEOGA*

 Ke a go leboga, Ngwanešu Neville. Morena a go šegofatše.

Ka mehla ke mohuta wa go itlhaganelā. Ke sa tšo tsena ka gare. Ngwanešu Moore o bile le nna mogaleng ka ga go tla tlase kua bakeng sa megobo ya Pentecostal ya bona ya mengwaga ye masometlhano. Ke be ke leka go beakanya matšatši le Banna ba Kgwebo godimo ka lefelong le lengwe, gomme ke rile... ke buletše mogala, o rile, “Ekwa yela ‘Dumela Feela’? O tseba se yela e se rago.” Gomme ke mo fetešeditše go Billy, le go kitimela ntle ga mojako. Kafao ga—ga ke tsebe ba tla tla ntle bjang morago kua, eupša ke... Ka kgonthē ke rata go ya tlase ka Louisiana, le ge, go batho bale, bona Matšwaborwa ba kgale ba go loka tlase fale. Eupša ka gona ke swanetše go ba ka gare e ka ba matšatšikgwedding a go swana ka—ka Florida, ka khonferenseng ya selete ya Banna ba Kgwebo, gomme go e dira mohuta wa go raragana ge o leka go di bofaganya mmogo feela ka nakwana ka mokgwa woo.

<sup>2</sup> Bohle re thabile go ba fa mosong wo, le go phela le—le magareng ga bale ba ka rego “Amene.” Yeo ke nnete. Bjale, ke maswabi gore bohole re pitlagane godimo ka fa. Gomme o rile ba bangwe ba batho ba tla godimo le go no tepogela kgole. Eupša re... E no ba bokaonekaone bjo re ka kgonago go bo dira ka—ka nako. Le a tseba. Le a kwešiša, ke na le nnete. [Ngwanešu Branham o a kgohlola—Mor.] Ntshwareleng.

A le kgona go kwa bokaonana go tšwa go se tee se goba go tšwa go se tee se? Setee se mo? Gabotse, e no se hwetšang gabotse go dikologa mo gore ke kgaušwi. [Ngwanešu Neville o re, “Se se a phela. Seo ke—seo ke segodišantšu sa go gatiša.”—Mor.] Se, go gatiša mo. Go lokile, mohlomphegi.

<sup>3</sup> Gabotse, a le ipshinne ka bošego bja go feta? Ke...ka kgonthē re e hweditše, gomme Morena o re šegofaditše. Feela dilo tše dintši kudu di ka go bolelwā ka Molaetša fale, eupša ke naganne mohlomongwe le ka ithuta yona, le a tseba, gomme le tla lemoga, le gare ga methaladi, iri ye re phelago ka go yona. Re thwi mo nakong ya bofelo. Gomme ke dumela seo. Nnete, motho yo mongwe le yo mongwe o naganne seo, ke a thankā, ge e sa le Jesu a tshepišitše go bowa. Eupša, le a tseba, le lengwe la matšatši a O ya go tla, go le bjalo, le a bona. Kafao ke no se bone selo se šetšego go direga, feela go hlatlogeng ga Kereke.

<sup>4</sup> Bjale, feela pele re batamela Molaetša ke o nyakago mosong wo, ka thuto ya *Go Bala Go Theoga*. Gomme bjale re... gomme bošegong bjo, elelwā tirelo ya bošego bjo, ke *Go Phela Ka Bogoneng Bja Gagwe*. Le a bona? Gomme re tla leka go hlaganela, gore le kgone go tloga gore re tle re šome gape bakeng

sa Mošupologo mosong. Gomme re leboga bakeng sa lena bohle. Ke no se tsebe se re ka go, se ke bego ke tla se dira ntle le lena. Ke no—ke no se kgone go ya mmogo ntle le lena.

<sup>5</sup> Gomme ke nyaka go fa ditebogo tša go ikgetha go Kgaetšedi Williams yola, ke a thank a ebile ga ke tsebe mosadi. Ge ke tsoga mosong wo, nna, Ngwanešu Charlie Cox o be a le fao, gomme—gomme se—se setupu se be se tletše dijo, dilo tša go kheniwa le dilo. Ka fao mosadi yo monnyane yola wa go šokiša a swanetšego go be a šomile kudu selemo se, a khena selo sela, ditamati le dilo tša dijo. Bjale, seo se ra bontši kudu go nna. Gomme Kgaetšedi Williams, ke a dumela ba tlogetše Beibele ya gago fao go tla go rapelelwa, ba rile go rapela gore Modimo o tla... Ke rapetše mosong wo ka kamoreng ge ke be ke ithuta bakeng sa Molaetša, gore Modimo o tla tšea diteng tša Beibele yela le go e bea ka pelong ya gago. Gomme ke a rapela gore Modimo o tla go šegofatša. Ke duma ge nka kgona go go lefela seo, kgaetšedi, ke a tseba ka nnete o ile go kgabola bontši go tšwa mphufutšo go tšwa fao. Gomme ke go leboga kudu! Ke mo gomnyane kudu go bolela, eupša a nke ke le fe Lengwalo moo re tsebago, bjalo ka ge ke boletše bošegong bja go feta, go ka se šitwe. Jesu o rile, “Bontši bjo le bo direlago bannyannyan...” yoo e tla ba nna, le a bona, “... bannyannyan ba ba bannyane ba ba Ka, le e diretše Nna.” Gomme a nke e bowe go wena feela ka tsela ye e tla bago ge o ka e fa thwi godimo ka diatleng tša Gagwe. Modimo a go šegofatše bakeng sa seo.

<sup>6</sup> Ke a le leboga lena bohle. Ge le le mo, ke hwetša ka go di—di dikarolo le dilo tše le di lefago, yeo ke kholofelo ya lena ka go rena, gore e tla sepela bakeng sa Mmušo wa Modimo. Bjale, re na le boikarabelo ka seo, le a bona, gomme re swanetše go fa lebaka ka sona. Kafao re nyaka go šetša se sengwe le se sengwe seo re se dirago, go dira mosepelo wo mongwe le wo mongwe feela ka phethagalo ka fao re kgonago, ka tsela ye Morena wa rena a tla o nyakago, gobane ga re tsebe ke nako efe A yago go bitša go rena go araba gomme ka gona ra fa bohlatse bja se sengwe le se sengwe seo se tlago tseleng ya rena.

<sup>7</sup> Ke ka lebaka leo ke naganago Paulo, bošegong bja go feta, o bile feela le jase e tee. Le a bona? A ka be a bile le bontši, eupša ga se a ke. Yeo ke jase e tee ka moka a kgonnego go e šomiša mo nakong, kafao o mno boloka yeo. Ga ke nagane o tshwenyegile ka mahumo a lefase. Ga ke nagane o tshwenyegile ka botsebalegi, le tseba se ke se rago, yo mongwe le yo mongwe ka mesepelo ya bona ye megolo ya bodumedi bjalo ka ge go le lehono. Gomme batho ba bantši kudu...

<sup>8</sup> Ke a tseba ye e gatišitšwe. Gomme ge ke bolela dilo mo, ke a lemoga ga ke bolele feela le phuthego ye, eupša go kgabaganya lefase. Gomme ke... Gobane ditheipi tše di ya ntle go tše dintši, ditšhaba tše dintši, gomme ba di tše ebile morago ka merafeng ka Afrika, morago ka fale, gomme ba dula fale, gomme modiredi

o a e tsea le go hlatholla ditheipi tseo go batho, morago ka moo ebile ba sa tsebego seatla se setona le se setshadi ke sefe. Le a bona? Moragorago ka Australia le go kgabola kua moo batho ba lego—ba lego, ebile ga ba . . . Selo se nnoši ba se jago ke . . . Tsela ye ba hwetšago swikiri ke go tsea kgapetla ye nnyane gomme ba epolla sehlaga sa ditšošwane le go kgema go tloša bomorago bja tsona ka mokgwa wola. Ke ka mokgwa wo ba phelago go hwetšeng swikiri ya bona. Gomme ga ba ne diaparo, ga ba ne selo. Ba tsea tola ya kgale ya gomme ba e lahlela godimo ga mollo, e tsena ka go yena, dikateng le se sengwe le se sengwe, gomme ba e beša gannyane gomme morago ba e ja. Gomme yeo ke yona, go a šiiša. Gomme elelwang, ditheipi tše di bapalwa morago ka kua. Molaetša wo le o theeditšego mo o ralokwa morago ka kua, ke makgolo a baromiwa ba tsea ditheipi tše le go di raloka morago ka fale, gomme ba E hlatholla go batho. Kafao, le a bona, ge ke fihla kua ka Letšatši la Kahlolo, le bona se se yago go ba godimo ga magetla a ka? Go ka reng ge ke hlahlathiša yo mongwe? Le a bona? Ke lena bao. E no nagana ka e tee ya disoulo tšela, ge nka di hlahlathiša go selo sa phošo.

<sup>9</sup> Kagona ke na le fa baena ba ka ka go mekgatlo ye. Gomme bontši bja bona ke monna yo mokaone, bontši bja bona, ke thabetše seo. Eupša ba bangwe ba bona ba tla bjalo . . . gomme ka mehla baetapele ba tla go lefelo leo ba swanetšego go tlemagana thwi ka gare le go e dira boka, oo, boka taba ya dipolitiki. Ba bapala dipolitiki ka go yona. Gomme, ka go seo, ba tloga go Lentšu la Modimo.

<sup>10</sup> Gomme ke swanetše go dula godimo ga Lentšu. Ke—ke swanetše go dula fao. Gomme e swanetše go no tla go se. Gomme ke—ke—ke no swanelia go sepela le yona, yeo ke phetho. Kafao, gomme re . . . Le a tseba, re fele re opela pina ye nnyane, “Re phaphamala go theoga moela wa nako, ga re na le botelele go dula.” Le e kwele. “Maru a ledimo a leswiswi a tla retologela go letšatši la go phadima.” Yeo ke nnete. “A bohle re tseeng tlhohleletšo, ka gore ga se ra tlogelwa re nnoši.” Yeo ke nnete. “Sekepe sa Bophelo ka pela se tla go kgobela Mabjebolokwa Gae.” Yeo ke nako moo ke letelago gona go ba le jase yeo e ka se tsogego ya onala, yeo ke yona, yona ya Gosafelego. Gomme ke swanetše go ba therešo go Modimo, e sego go neela šedi go dilo mo lefaseng, go fihla re eya godimo kua. Gomme ka gona re tla . . . bao ke bona ba yago go tsea botelele.

<sup>11</sup> Kafao ke, ka go ye masometharo . . . go ya go mengwaga ye masometharo pedi ya bodiredi, ke lekile go dula therešo go Lentšu. Ga ke tsebe selo se tee nkilego ka swanelia go se fetola, gobane ke no e bala go tšwa Beibeleng, e boletše feela se Beibele e se boletšego, le go e tlogela e ye ka mokgwa woo. Gomme kafao ga ka swanelia go gomiša goba go beakanya leswa, gobane ke nno e bolela ka tsela ye Beibele e e bolelago. Gomme, ke hwetša gore, ge Modimo a boletše eng kapa eng, gona re swanetše go ya le Lentšu

leo gore re Le dire gore le phethagale. Re bone seo, bjalo ka ge ke le boditše bosegong bja go feta, ka pono feela kgauswana, le a bona, gore e . . . Ke ile ka swanela go ba fao, le tshebotšo go ba fao, le go mpotšeng dikgwedi tše tshela pele go ba lefelong lela, le go ema fale le go re, "Eya tlase kua" (makga a mararo) "le bona." Gomme ke nno sepela le banna ba bangwe. Gomme pono e fetile thwi go kgabola tlwa, karolo ya Modimo, gomme ke tlogetšwe ke eme. Kafao re nyaka go elelwa, o swanetše go dula godimo ga Lentšu, e no dula thwi le Lentšu. Gomme moo Lentšu le išago, o ya thwi le Lentšu, gomme Le tla go tliša ntle gabotse, ke ne kgonthe.

<sup>12</sup> Bjale, ke a tseba le bile ka fa go tloga ka iri ya seswai, gomme ka kgonagalo ke iri ya lesome gonabjale. Ke yona. Kafao a re rapeleng bjale go Morena wa rena. A go na le dikgopelo tše di itšego tša go ikgetha? Ke bona disakatuku tše dintši di robetše mo. Phagamišetša diatla tša gago godimo bakeng sa dikgopelo. Modimo a go šegofatše. Bjale O . . . ke Mo tsebile botelele go lekanelo go tseba se, gore O bona seatla se sengwe le se sengwe gomme o tseba pelo ye nngwe le ye nngwe, gomme selo se nnoši se šetšego go dirwa e no ba go Mo kgopela. Gomme le a e dumela, gomme ya direga. Bjale, le dumeleng ge re rapela.

<sup>13</sup> Tate wa Legodimong, bjale re batamela Terone ye kgolo ye maatla ya Modimo, bjalo ka diphedi tše di hwago ka mmeleng wa tlhago, efela digalomantsu tša rena di bolela ntle mantšu ao a tlago ka go Terone ye kgolo yela felotsoko ka go dikgao tše dingwe moo Modimo a dulago. Ka gore, Jesu o rile, "Lena kgopelang Tate eng kapa eng Leineng la Ka, Ke tla e dira." Gomme O re kgopetše go se belaele, eupša, ge re rapela, go dumela gore re amogela seo se re se kgopelago, gomme se tla fiwa rena. O rile, "Ebile o ka kgona go re go thaba ye, 'Šuthišwa,' gomme wa se belaele pelong ya gago, eupša wa dumela gore se o se boletšego se tla direga, gomme o ka kgona go ba le se o se boletšego." Tate, re a tseba gore seo ke therešo kudu. Re e šetša letšatši ka letšatši, gomme ga go phošo ka go Lentšu la Gago. Ke ka gobane re ka se kgone go ba lefelong, dinako tše dingwe tumelo ya rena e ka se re šuthišetše godimo kua, re gakanegile le go belaela. Eupša, mosong wo, re leka go tla, Morena, ka kholo felo ye mpsha, re swareletše godimo ga mothalo wa bophelo le tshepišo ya Gagwe. Gomme re tla ka go Bogona bja Modimo ka Leina la Jesu.

<sup>14</sup> Morena, ke na le nnete gore O tseba dikgopelo tšohle tše di dirilwego go tsebja ka tlase ga seatla mosong wo tseo se emeletšego godimo. Sa ka le sona se phagamišetšwe, gomme kgafetša se godimo go Wena, Morena, gobane ke mothalo wa go hloka. Gomme ke a rapela gore O tla fa kgopelo ye nngwe le ye nngwe. Lebelela godimo ga bona, Morena, gomme araba dikgopelo tša bona, go tloga go yo monnyannyane go ya go yo mogologologolo, go tšwa go dikgopelo tše nnyane go kgopelo ye

kgolokgolo. Gona, Tate, ba arabe, yo mongwe le yo mongwe. Ke e kgopela ka Leina la Jesu. Gona gopola ya ka, Morena.

<sup>15</sup> Gomme ke a rapela le go Go leboga bakeng sa go re fa khutšo ye botse mebeleng ya rena, le bakeng sa tsebo yeo re nago le yona ya Lentšu la Gago, le kwešišo ye re nago le yona ya Moya, gomme kgafetšakgafetša re rapela gore O tla re fa kwešišo ye kgolokgolo gore re se be ba lefeela, batho ba go ikgogomoša ka yona, eupša batho ba go kokobela, gore Moya wo Mokgethwa o ke o kgone go re šomiša go ya phethegong ya Lentšu la Modimo, le go re bea maemong moo re hlokago go ba mo iring ye. Ka gore re swanetše go ba lefelong la maleba bakeng sa yona go direga. Gomme re nyaka go ba, Morena. Ge eba ke mosadintlo ka morago ga tafola, ge eba ke bakeng sa mo—mo monna wa faktori ka sepanere ka seatleng sa gagwe, le bopaki ge e le bakeng sa modiredi mo phuluphithing, goba motikone goba mohlokamelaphahlo, goba go ngwana kua sekolong, motšwamahlalagading ka poledišanong ka phaphušing, e ka ba kae go lego, Morena, a re beng fale mo nakong ya maleba. Ka gore re a tseba O e tshepišitše, gomme e ya go direga gobane O boletše bjalo, gomme, gobaneng, ke tumelo ya rena e agilwe fao.

<sup>16</sup> Bjale, Morena, re ikwela gore ga re ne botelele kudu. Nako e a tla. Re kgona go kwa kgudi go tšwa sebakabakeng ntentle, ge e tsena ka gare. Re a tseba gore kahlolo le kgalefo ya Modimo e komana go wa. Re kgona go kwa khuetšo ya yona e šetše e le. Gomme re a rapela, Morena, gore O tla re thuša.

<sup>17</sup> Gomme bjale nthuše, Morena, go Molaetsa wo monnyane wo mosong wo, wa e ka ba metsotso ye masometharo, wa go bitšwa *Go Bala Go Theoga*. Re thuše, Morena, go kwešiša thwi moo re lego.

<sup>18</sup> Gomme re hlwekiše bjale, Morena, go tloša dibe tša rena le dikarogo. Gomme a nke go se be le motho yo motee mo mosong wo, a lahlegilego, a nke yo mongwe le yo mongwe a be komana, go ba ka go ntikodiko ye kgolo yela ge re kopana ka lehlakoreng le lengwe. Ge maina a bitšwa, a nke ke kwe leina ka morago ga leina, “ke gona.” Seo ke se re se lebeletšego, Morena. Gomme batšofe ba tla ba baswa fale go ya go ile, ba fetoletšwe mo nakwaneng ya nako, go se hwe, o tla ema ka go swaneng le Yena, letšatši le dinaledi go phadima go di phala, bjalo ka ge Daniele a rile, “Bao ba retolletšego ba bantši go tokba tla phadima bjalo ka dinaledi go ya go ile.” Eupša re kwa se O se boletšego go moprofeta, “Eya ka tsela ya gago, Daniele, gobane wena o tla khutša go bontši bja gago, eupša letšatšing leo o tla ema.”

<sup>19</sup> O Modimo, a nke re balwe go swanelwa ka Madi a Jesu, ga se mabokgoni a rena beng re a tleleimago, eupša ka mabokgoni a Gagwe a nke re be le maswanedi go ema ka letšatšing leo ge re ipolela phošo ya rena le tlhologelo go ema ka tokong ya Gagwe, le moprofeta yo mogolo Daniele le bohole bao ba tla emago ge

meputso e fiwa. Go fihla nako yeo, Morena, re dire didirišwa ka seatleng sa Gago. Dira ditsebe tša rena didirišwa mosong wo tša go kwa Lentšu. Dira dipounama tša ka didirišwa go Le bolela. Ka gore re e kgopela Leineng la Jesu, gomme a nke kwešišo ya rena e kwešiše thato ya Modimo. Amene.

<sup>20</sup> Go bothata kudu go thoma. Go bonala eke go ne bontši kudu o ka kgonago go bolela le—le go nyaka go bolela, gomme go bonala eke go ne nako ye nnyane bjalo go e bolela. Mohlomongwe pele ke—ke tloga. Ke rile bosegong bja go feta, re ka hwetša sebaka go—go mohlomongwe re kitimiše ye nngwe ya Dipuku tša Beibele, lehlabula le goba marega, pele ga go sepela. Go ya, ke nyaka go ya mošwamawatle, Morena ge a rata, thwi morago ga Krisemose nako ye nngwe.

<sup>21</sup> Bjale ke duma le phetle mosong wo bakeng sa go bala, go Bahebere tema ya 11. Gomme bjale theetsang sekgauswi ka kgonthe go palo. Ke nyaka go—go gatelela go temana ya 3.

*Bjale tumelo ke kholofelo ya dilo tše di holofetšwego,  
bohlatse bja dilo tše di sa bonwego.*

*Ka gore ka yona ba bogologolo ba hweditše pego e  
botse.*

*Ka tumelo re kwešiša gore mafase a hlamilwe ke  
Lentšu la Modimo, gore dilo tše di bonwago di be di  
se tša dirwa ka dilo tše di bonalago.*

<sup>22</sup> Bjale, woo ke mohuta wa sehlogo sa go aroga bakeng sa bokamorago bakeng sa sehlogo seo ke—ke nyakago go se šomiša. Dilo ga se tša dirwa ka dilo tše di bonagalago. Bjale ke nyaka go šomiša thuto ye mosong wo, *Go Bala Go Theoga*, ka gore ke nyaka go dira go—go bapela ka tsela ya seprofeto. Bošego bja go feta ke be ke nyaka go ruta gannyane ka Lengwalo; mosong wo Molaetša wa seprofeto; gomme bosegong bjo Molaetša wa boebangedi.

<sup>23</sup> Bjale, dilo tše di dirilwego ka dilo tše di sa tšwelelego. Bjale, ke ithutile go kgabola mengwaga ye yohle gore dilo tšohle tše e lego tša tlhago ke dikai tša dilo tša semoya, se sengwe le se sengwe seo se lego ka tlhagong. Gomme bjale e nong go elelwa, gore ge le bona eng kapa eng ka tlhagong, se kaya selo sa semoya. Le a bona? Dilo tšohle di dirwa ka morago ga dilo tše di sa bonalego. Le a bona, tlhago gona e bonagaditše semoya.

<sup>24</sup> Bjale, bjalo ka ge ke be ke ithuta matšatši a se makae a go feta, gomme ke a dumela ke e boletše bosegong bja go feta, gannyane, gore ke be ke bala moo... goba go kwa mo seyale moyeng, go tleng ka gare go tšwa Canada, ka moo ngaka yela fa ka United States e—e dirilego setatamente gore “motho o be a le mengwaga ye milione tše lesomenne tša ebolušene.” Ba epile lerapo godimo ka Italy, ka 1800, felotsoko ka bo 1800, gore lerapo le le be le swanetše go ba lerapo la motho leo le bego... le ka no... Ge ba sa e dira, go bolela ka fao e bego e le kgale,

gomme ngaka ye bjalo ka mokgalabje gomme o beile bophelo bja gagwe bjhohle go ithuteng lerapo le. Gomme o re, “Lerapo le ke lerapo la monna yo a lego mengwaga ye dimilione tše lesomenne bokgale.”

<sup>25</sup> Bjale, ke ditšiebadimo bjang tše di lego! Ka fao motho a sentšego bophelo bja gagwe bakeng sa lefeela, go leka go ganetša Lentšu la Modimo, gomme ga a na selo eupša feela bo—bo bofihlo bja go se fele go tšwa go yona. Gomme e ka ba ofe o a tseba gore ge o ka boloka lerapo ka mobung, mo mengwageng ye masomepedi lerapo lela le a retologa. Mo mengwageng ye lekgolo lerapo lela le nyakile go ba le fedile, feela diripana tša lona, gomme ga go kgathale ke boemo bofe o tla le tsenya go bjona. Le a bona? Gomme ka gona mo mengwageng ye sekete lerapo leo le tla ba eng, mengwaga ye makgolo a lesome? Oo, go tla ba eng makga a lesome ao, e tla bago milione o tee? Gona lesomenne atiša ka dimilione. Oo, nna! E no ba... Ebile ga e na le tlhaologanyo go nagana ka selo se sebjalo. Lerapo le ka se tše mengwaga ye milione tše lesomenne ka tlase ga seemo e ka ba sefe. E ka ba mang o tseba seo. A ka no ba a topile se sengwe seo se bonagetšego boka lerapo goba se sengwe. Gomme ka gona ba be ba kgonne go bolela gabotse bjang gore le be le mengwaga ye milione tše lesomenne bokgale? Le a bona? Ka morago ga tšohle, Modimo o dirile motho lefaseng mengwaga ye dikete tše tshela ya go feta, gomme seo se a e ruma.

<sup>26</sup> Yo mongwe o be a e ahlaahla le nna nako ye nngwe ya go feta, ka go ye nngwe ya dikopano tša ka. Ke be ke bolela ka ebolušene ya motho, gomme ke rile o be a no ba feela mengwaga ye dikete tše tshela bogolo. Gomme monna yo o rile, “Gabotse, Ngwanešu Branham, re ka netefatša gore lefase le dimilione tša mengwaga bogolo. Kafao selo se o bolelago ka sona, o phošo gohole.”

Ke rile, “A ga o dumele Beibele?”

O rile, “Ke dumela gore motho o ngwadile Beibele.”

<sup>27</sup> Gomme ke rile, “Ka therešo seatla sa motho se bopile mangwalo, eupša Moya wo Mokgethwa o be o le ka morago ga seatla. Le a bona, o bopile lengwalo, ka gore Beibele e boletše bjalo.”

<sup>28</sup> Gomme o rile, “Gabotse, fao—fao, le swanetše go amogela gore ba phošo ka lefase.”

Ke rile, “Beibele ga e tsoge ya phoša, ga e tsoge ya phoša.”

<sup>29</sup> O rile, “Gabotse, ge lefase,” o rile, “le be le le, le kgona go bona dithaba ka fao di kgoromeleditšwego godimo go tšwa go bolukheno.”

Ke rile, “Eupša o no...”

O rile, “Gomme Modimo o dirile lefase lela ka matšatši a tshela.”

<sup>30</sup> Ke rile, "Bjale, Beibele ga se ya bolela seo. O nno nagana e e boletše." Ke rile, "A re nong go ya morago bjale go fediša kgang ya gago. Tema ya 1 ya Genesi, e rile, 'Mathomong Modimo o hlotše magodimo le lefase.' Sekgao! Ke botelele bjo bokae A bego a e dira, ga ke tsebe. Ga se a re botša. Eupša, 'Mathomong Modimo o hlotše magodimo le lefase.' Sekgao! Gona, 'Gomme lefase le be . . . -ntle sebolepego.'" Moo ke ge Modimo a thoma go le šomiša. Le a bona? Kafao ba no bethantšha mabjoko a bona ntle bakeng sa lefeela. Le a bona? Le a bona?

<sup>31</sup> Modimo o dirile lefase. A ka no ba a bile mengwaga ye lekgolo la ditrilione a le dira; ga ke tsebe O be a le botelele gakaakang, eupša O le dirile. Gomme ga se A bolela ke botelele gakaakang A bilego, gomme ga se taba ya rena e bile botelele gakaakang. O nno re, "Mathomong Modimo o hlotše magodimo le lefase." Sekgao! Seo se a e rumo. Ke sohle sa yona. Ke botelele bjo bokae A bego a le dira, yeo ga se . . . Eupša ka gona tlholo ya thoma go tabogela godimo bjale ka nako ye nngwe, ge A thoma.

<sup>32</sup> Gomme ke a dumela, gore ka kua, gore se sengwe le se sengwe lefaseng se bonagatša Legodimo. Ke dumela seo, ka gore le bona se sengwe le se sengwe se katanelo bophelo ke ka lebaka la gore go ne bophelo bjoo bo bonagaditšwego go tšwa go bjona. Gomme ke a dumela gore ge Modimo a dirile motho, O thomile go bonagatša dilo tše dinnyane bjalo ka bophelo bja phoofolo, gomme ka gona selo sa go latela A se hlotšego e be e le se sengwe go fapano. Yeo e no ba tlwa tsela ye Beibele e rego O e dirile. O dirile pele mehlare le bophelo bja dimela, gomme A dira motho. Gomme ka gona selo sa mafelelo se se kilego sa tla go tšwa lefaseng ka sebolepego sa tlholo e be e le motho, ga go selo godimodimo se kilego sa tla. Ka gobane gobaneng? E be e le ponagatšo ya go phethagala ya godimodimo ka Legodimong, yeo, Modimo ke Motho. Le a bona? Modimo ke Motho, kafao kagona e a e netefatša. Gomme ge Modimo a theogile go dula magareng ga rena, O be a le Motho. Le a bona? Motho, kafao go a bontšha gore phethagalo ya ebolušene e be e le Modimo, yo a lego Motho.

<sup>33</sup> Gomme ka gona o tšeа mohlare, (o tšeа bjang le go ya pele), o tšeа mohlare, o bonagatša Mohlare wa Bophelo wo o lego Legodimong. Dilo tše tšohle di katana bakeng sa phethagalo. Gomme se sengwe le se sengwe ka tlhagong, bjalo ka ge Bahebere e bolela mo, se dirilwe ka dilo tše di sa bonalego. Mantšu a mangwe, ke tše kagodimogatlhago. Gomme sa kagodimogatlhago se bonagatša sa tlhago. Le a bona? Bjale, gona tlhago e be e le ya Gosafelego, goba ke go ba kagosafelego le tše kagodimogatlhago, eupša sebe se arošitše sa tlhago. Kafao, gomme ge eba go le bjalo, goo ke dumelago go bjalo, gona se sengwe le se sengwe seo se diregago mo lefaseng ke sekai sa dilo tše semoya tšeа di diregago. Le a bona? E swanetše go bonagatša se sengwe, phihlelelo ya motho.

<sup>34</sup> Bjale, re hwetša, go swana le mmele wa tlhago, mmele wa tlhago šo, gomme mmele o dirilwe go ikatiša wonamong, e bego e le bana. Gomme bjale mmele wa tlhago, ka go tswalo ya tlhago ya lesea, re hwetša gore selo sa pele se tlago pele ke meetse, morago madi, le bophelo. Re hwetša ka go mmele wa semoya wa Kriste, selo sa pele ke meetse, le Madi, le Bophelo; tokafatšo, tlhwekišo, kolobetšo ya Moya wo Mokgethwa. Le bona ka fao e bonagatšago, dilo tšohle tša tlhago di bonagatša dilo tša semoya. Tswalo ya tlhago.

<sup>35</sup> Re tšeа, mohlala, lenyalo bakeng sa kopano. Re hwetša gore, lenyalo; re hwetša phereo, le dikwano, gomme morago lenyalo. Seo se swanetše go e ruma bakeng sa nako yohle. Bjale, ke selo sa go swana se lego le Kriste le Kereke. Le a bona? Phereo, Modimo o bitša dipelo tša rena; re a ineela; modiro wa lenyalo, gomme Monyalwa o tšeа Leina la Monyadi. Le a bona? Le a bona? Le a bona? Šeo yona, seo se dira Monyalwa. Bjale, ka mehla monyalwa o tšeа leina la monyadi.

<sup>36</sup> Go na le dilo tše dintši re ka bolelago ka tšona fa. Ke ne lenaneo le ngwadilwe leo le ntšeago diiri tše pedi go le fetša, go nyakile, le Mangwalo go thekga se, boka ge o nyaka a mangwe a ona fa go e thekga. Boka Johane wa Pele 5:7, e bontšha tlhago le tswalo ya semoya, le go ya pele, “meetse, Madi, le Moya.” Gomme ba bararo ka Legodimong, “Tate, Morwa, le Moya wo Mokgethwa,” ba bararo ba ke batee. Go ne ba bararo bao ba dumelelanego lefaseng, ga se bona batee, eupša ba dumelelana ka go se tee, mo lefaseng, ao ke “meetse, Madi, le Moya.” Le a bona, “meetse, Madi, le Moya,” go swana le mohuta wa tswalo ya tlhago o a swantšha.

<sup>37</sup> Kafao ge monna a dutše godimo ga kgopolو ya “feela tokafatšo ke sohle o swanetšego go ba le sona,” o phošo, phošo. O swanetše go ba phošo. Gomme gona ge kerekе ye e dumelago boka bontši bja Mapentecostal, gore Moya wo Mokgethwa ke wona, “seo ke sohle, e no sokologa gomme o hwetše Moya wo Mokgethwa,” seo se sa fošagetše, gobane o swanetše go tliša tlhwekišo ka fale go e hlwekiša pele Moya wo Mokgethwa o tsena. Ge o sa dire, o tlogela Madi ntle. Le a bona? Gomme Tswalo ye mpsha, bjalo ka ge batho ba bolela gore kolobetšo ya Moya wo Mokgethwa ke Tswalo ye mpsha. Bjale, yeo ke phošo. Kolobetšo ya Moya wo Mokgethwa e fapania le Tswalo ye mpsha. Tswalo ye mpsha ke ge o tswalwa gape. Eupša Moya wo Mokgethwa ke ge maatla a etla ka go Tswalo yela bakeng sa tirelo. Seo ke tlwa. Le a bona? Moya wo Mokgethwa o... kolobeditšwe ka go Moya wo Mokgethwa.

<sup>38</sup> Tswalo ye mpsha, o na le Tswalo ye mpsha ka go dumela go Morena Jesu Kriste. Le a bona? Ka go ba le tumelo le go Mo amogela bjalo ka Mophološi wa gago, yeo ke Tswalo, le a bona, gobane o fetile lehung go ya Bophelong. Bjale, ge le nyaka go thekga seo, tšeаang Mokgethwa Johane 5:24, “Yo a kwago

Mantšu a Ka gomme a dumela go Yena yoo a Nthomilego, o ne Bophelo bjo bosafelego." Le a bona, o na le Bophelo ka gobane o a dumela. Gomme sehlopha sela sa go swana se ile sa swanelia go ya Pentecost go kolobetšwa ka Moya wo Mokgethwa. Tlwa.

<sup>39</sup> Moya wo Mokgethwa ke maatla a tirelo. Kafao ge go bolelwa ka wena o swanetše go tswalwa gape, le go šomiša seo go Moya wo Mokgethwa, bontši bja Mamethodist le go ya pele ba phošo fale. E ka se kgone. E ka se ke ya no kgona go kgabola Lengwalo mo. Le hwetša selo ka mathoko. Go swanetše go e tsea ka tsela ye Lengwalo le nago nayo e beilwe ntle mo. Le a bona? Gomme Moya wo Mokgethwa ke... "Le tla amogela Tswalo ye mpsha ka morago ga se"? Eng? Aowa. "Le tla amogela maatla," Ditiro 1:8, "morago ga ge wo Moya wo Mokgethwa o tlie godimo ga lena." Le a bona? Gomme ba be ba šetše ba dumetše go Bophelo bjo Bosafelego, le go ya pele, eupša ba ile ba swanelia go ba le Moya wo Mokgethwa bakeng sa maatla. "Le tla ba dihlatse go Nna morago ga ge Moya wo Mokgethwa o tlie godimo ga lena," gobane Moya wo Mokgethwa ke hlatse ya tsogo, go bontšha gore o fetogile yo mogolo ka go Kriste.

<sup>40</sup> Bjale, ya tlhago. Dilo tšohle tša semoya, ditiragalo tšohle le go ya pele di a kgwatha, goba go kaya sa ka godimo ga tlhago, goba tlha—tlha tlhago ke sekai sa sa kagodimogatlhago.

<sup>41</sup> Bjale, ke ile go Pontšho ya Lefase ge re be re le thwi godimo kgauswi le yona kua ka Spokane, gomme ke naganne ke tla tsea lapa.

<sup>42</sup> Gobane ke bile feela go Pontšho ya Lefase e tee ka United States, gomme ke ge e be e le ka Chicago, mengwaga ya go feta, Hope le nna re ile godimo. Gomme ga se re be go dula fale eupša e ka ba letšatši le tee, baswarapoo, le se sengwe le se sengwe. O be a na le koromo yeo motswala wa ka a mo filego, gomme nna ke sepela thwi go bapela le yena, yo mongwe o ile a koromolla koromo. Feelia... go be go no šiiša. Gomme kafao ke... Re dutše letšatši le tee le go tla morago.

<sup>43</sup> Eupša Pontšho ya Lefase, ke tšere lapa gomme ke ile godimo. E be e se bontši go feta Pontšho ya Louisville thwi godimo fa. Le bone Nalete ya Sebakabakeng ba boletšego ka yona, e be e se selo gape eupša go ya godimo mo ka Elsley Build... goba Brown Building goba felotsoko, le go ya godimo e ka ba mabato a lesome a elebeitha le go tla tlase morago. Yeo e be e le yona. Gomme ke nagana gore General Electric e bile yena a bilego le yela fale. Eupša go bile le selo se tee seo se bilego go ikgetha. Bjale, Jeremane e bile le pealatšo ya bona, Russia le ditšhaba tše dingwe tšohle di bile le yona, gobane ke Pontšho ya Lefase. Mojeremane, Fora, gomme dipealatšo tše nnyane tšela e be e se kamora ye kgolokgolo kudu go feta phuluphithi ye e ka bago thwi mo.

<sup>44</sup> Eupša borasaense ba bile le diphihlelelo tša bona, gomme selo se segolo ba bego—ba bego ba ikatiša ka sona e bile go šomiša motšoko. Gomme ge monna e ka ba mang a kgogago disekerete le go sepelela ka fale, le go tšwela ntle le go kgoga gape, go na le se sengwe sa phošo ka monagano wa monna. Ge ke ba bone ka mahlo a ka mong ba tšea sekerete gomme ba se bea ka go motšene, le go goga mu—mu muši wa motšoko go tšwa fale le go o maula ka tšhupu ya dikhemikhale, gomme kankere ye tšhweu e be e nno tlala ka yona, ka sekerete se setee. Gomme ka gona o rile, “Batho ba bantši ba re,” tše lefase ka bophara, phihlelelo ya godimodimo go lona, o rile, “batho ba bantši ba re, ‘ga ke e hemele ka teng.’” Gomme rasaense o tšere sekerete yenamong gomme o gogile mogogo wa sona ka molomong wa gagwe, a sa se ntšhe ka dinko tša gagwe, goba go le bjalo ba o tliša fase maswafong a bona, eupša a no o bea ka molomong wa gagwe gomme morago a o butšwetša ka go dikhemikhale tša go swana, go be go se le e tee ya kankere ka go yona. O rile, “E ile kae? Ka molomong wa ka. Ge ke ke metša, o ya ka mogodung, nnete.” O rile, “Bjale . . .”

<sup>45</sup> Ka gona kgopolo ya tla godimo, “Gobaneng dingaka di bolela gore disekerete ga di kotsi?”

<sup>46</sup> O rile, “Motho mang kapa mang yo a ka rekišago ditokelotswalo tša gagwe! Ngaka o dira setatamente boka seo a ka kgona go tlogela mošomo, gobane tšona dikhamphani tša sekerete di tla mo fa go lekanelo go ya pele.” Ka nnete o rekiša ditokelotswalo tša gagwe, gobane o enne go se dira selo boka seo. Eupša ba e dira golebjalo.

<sup>47</sup> Gomme o rile, “Motšene šo bjale. Re tla e netefatša go lena ka phihlelelo ya sesaense.” Gomme ba be ba na le Yul Brynner, le a tseba, naletšana ya mobi ka kua. Yoo, gomme ge phasela ye nnyane yela ya nikotini . . . O rile, “Bjale ba re ‘dintlha tša mohlotlo.’” O rile, “Monna yo a dirago seo, o no laetša seemo sa gagwe sa monagano. Ka gore ge o se na le muši wo o itšego, ga o na le sekontiri se se itšego, gomme sekontiri se dira muši. Gomme ge o kgoga sekerete sa ntlha ya mohlotlo,” o rile, “go tla tšea e ka ba tše tharo goba tše nne go kgotsofatša se se tee sa tše dingwe, ka gore go no tšea sekontiri se sentši kudu go kgotsofatša.” Ge o sa hwetše muši, ga go sekontiri. E swanetše go ba le sekontiri go ba le muši. Ka fao seo ke yona. O rile, “Muši, ge eba o ya go se kgoga, kgoga se tee seo se se nago ntlha go sona. Hwetša . . . Sekerete se setee se tla kgotsofatša mo se tšeago tše tharo tša tše dingwe, ka baka la gore o no goga sekontiri se sennyane sela.”

<sup>48</sup> Ke go jabetša ga dithekišo! Seo ke sohle setšhaba se tletšego ka sona ke go jabetša ga dithekišo, le ditšhila le se sengwe le se sengwe gape.

<sup>49</sup> Gomme fale morago o tšere sela gomme o bontšhitše ka fao ntsetlana ye nnyane e swerego ka mogulong goba ka maswafong.

Gomme sa pele ke ye tšhweu, morago e fetoga pinki, gomme morago go tloga go pinki e fetoga moretele. Karolo—karolo ya sele ye nnyane e be e lebega bogolo *bjoo* go kgabola galase, eupša, nnete, o tsea galase ye maatla ebile go bona sele. Ka gona o re, “Ge e fetoga moretele, o na le kankere.” O rile, “Monna yo a tla kgogago phakete e tee ya disekerete ka letšatši o ne sebaka sa diphesente tše masomešupa bontši sa go hwa ka kankere go feta monna yo a sa se kgogego.” Gomme gó bonala bošilo go tsea maitekelo ao.

<sup>50</sup> Bjale, gomme ka gona o tšere selo se sengwe le go e netefatša, o tlišitše ntle legotlo le lešweu. Gomme o tšere sekere le go se bea ka motšeneng, le go se goga go kgabola mohuta tsoko wa se sengwe boka mmabolo wo mošweu, gomme o tšere le—le lešela, gomme o tšere nikotine yeo e bego e etšwa go se sengwe sa sekere gomme o e pentile mokokotlong wa legotlo. Matšatši a mangwe le a mangwe a šupa ba bile le legotlo le lengwe le etla ntle. Gomme ba tla swanela go ba le le lengwe bakeng sa thuto ya letšatši leo. Gomme a bea legotlo lela ka gare matšatši a šupa gomme a le tliša ntle, kankere e eme bogodimo *bjoo* mokokotlong wa legotlo. A mangwe a ona ebile ga a phele matšatši a šupago. Legotlo ga la kgona go šutha. Ga se nke ke kgona go ja matšatši a mabedi goba a mararo, go lebeleleng selo sela sa go lebega ditšhila, le eme fale ka kankere, gomme e kitima tlase godimo ga maoto a gagwe le dilo boka tše, kankere ye kgolo ya godimo e kokomogile go nyakile go ba seripa sa intšhi mokokotlong wa legotlo, ya nikotine go tšwa go sekere se setee. Gomme le nagana seo se ba emišitše? Moisa yo mogolo a dutšego hleng le nna fale, gomme mphufutšo o kitimile sefahlegong sa gagwe, o rile, “Mohuta wa go ratha, a ga se yona?”

Ke rile, “A o a kgoga?”

O rile, “Ee, mohlomphegi, ke a dira.”

<sup>51</sup> Ke rile, “Gabotse, gona o swanetše go emiša seo.” Eupša yeo ke yona, diphihlelelo, se ba ka netefatšago gore e a se dira.

<sup>52</sup> Bjale, ke akanyeditšepele gore lefase le eme gomme ge eba tlhabologo e gona, morago ka nakong ya go iletša ge fao go bile le tefišo e bjalo go rekiša leptole lo wisiki, go tla ba makga a lesome tefišo go rekiša phakete ya disekerete mo mengwageng e se mekae go tloga bjale, ge tlhabologo e le gona. Ke makga a lesome go befa kudu go fetiša wisiki. Ka kgonthe ke yona. Ke—ke mmolai, yoo. Gomme o ka kgona go botša batho ka yona, gomme ga ba iše šedi ye nnyane kudu go yona. “Ke moreri wa mopshikologimokgethwa,” gomme ba e tlogele e ye. Le a bona, yeo ke yona, ga ba hlokomele.

<sup>53</sup> Eupša, ntlha ya ka ke ye, se dilo tša saense di bego di kgona go se fihlelela. Ba be ba le fale ka go Pontšho ya Lefase, ba bontšha ka diphatišišo tša saense se saense e bego e kgona go se fihlelela ka go dilo tša tlhago. Bjale, re fa go bontšha ka

diphatišišo tša semoya se Modimo a kgonnego go se fihlelela ka batho ba ba tla dumelago Lentšu la Gagwe. Bjale, go fihlelela dilo tša saense, o swanetše go šoma ka methalo ya sesaense. Go fihlelela dilo tša semoya, o swanetše go šoma ka methalong ya semoya. Bjale, le nagana legotlo lela le be le lebega go šiiša, ka fao le dirilego, nkabe le le bone! Ke duma nka be ke bile le seswantšho sa lona, ebile, go bontšha. Ge nka be ke se swere, nka be ke, eupša ba ka se go dumelele go ba le sona. Eupša hlokomelang. Nnete, legotlo le no phela diiri di se kae gape, a mangwe a ona ebile ga a phele matšatši a šupago. Eupša naganang ka yona!

<sup>54</sup> Le nagana seo se bogegile go phera, le swanetše go bona se soulo e bogegago yeo e gannego Ebangedi. Le swanetše go lebelela se selo sa go lebega go tšoša ba lego sona. Ka fao diabolo a hwetšago go swara monna le go kgona go fapoša morwa wa Modimo ka go selo sa go lebega go tšoša, boka a le mahlong a Modimo. Oo, a ka no ba dikgato tse tshela botelele, le magetla boka ga ke tsebe eng, le moriri wa dikhele le *eng*, seo ga se re selo. Ke bokagare bja monna bjoo bo kgotlelelago. Sa ka ntle ke lerole, go le bjalo.

<sup>55</sup> Phihlelelo e bjalo, gomme gona ba tla bontšha, ba bile le nalete ya sebakabakeng ye le se sengwe le se sengwe, se ba se bontšitshego go fihlelela, se ba bego ba kgona go se dira, le go hlaloša diathomo tšohle tša bona le go ya pele. Ba bile le kakanyetšopele ya se Chevrolet e bego a tla ba. General Motors e bile le yona pealatšong, se...ka go wo mongwe, ngwagakgolo wa go latela, se Chevrolet ya ngwagakgolo wa masompedi e tla lebegago. Go bonagetše go nna boka pha—pha phaephé ya gase ka kefa ya maru ka godimo ga bogodimo bja yona. Bjale, ba laeditše ka fao e tla šomago gomme ya ragogago ka maatla a athomo le ka mohuta tsoko wa lefego leo le tla phagamago godimo ga ona seng le go laola. Yeo e tla ba mo—mo monyetla wo mogolo.

<sup>56</sup> Eupša ke a makala ge eba re ka kgona go phetla morago ka matlakaleng a Puku ya Modimo, mosong wo, le go bona se kereke e tla lebegago boka ka nako yeo, go bona diphihlelelo tše Modimo a di dirilego. Oo, ka fao go diregago ka mehla lefaseng le go emela se sengwe seo se tšwago felotsoko gape; eupša ge se ratha lefase, ka mehla se ka seemong sa go fapoga gobane se ka lefaseng la leswiswi le sebe. Le a bona? Eupša gona go na le kemedi ya therešo ka dikgaong tša semoya tša sekgao se sengwe. Go tloga go beng ka dikgaong tše tharo, gona sekgao sa boselela se na le kemedi ya sona. Ke thabetše seo kudu.

<sup>57</sup> Bjale, a re nong go tše diphihlelelo bjale tše re kgonnego go di dira ka go mengwaga e se mekae ya go feta. Bjale, a re thomeng go se sengwe seo se diregilego. Nka se le swarelele botelele, Morena ge a rata, eupša ke nyaka le bone se ka pela. Gomme, oo, ge go etla go nna, ke ikwetše boka nka fofa. Bjale hlokomelang,

bjale, mengwaga e se mekae ya go feta tša dinamelwa e be e le ka pere le karikana, e sego kgole kudu go fetile, botelele bja go feta. Ke dirile go otlela ga ka tikologong ka pere le karikana, le godimo ga sala. Ge ke be ke sa le mošemane, bogolo bja mengwaga ye lesometlhano, lesometshela, ke nametše pere, gomme ka ya toropong ka pere le karikana, ke otlela thwi go feta kereke ye mo, tsela ya leraga ntle kua, le serorobja mo se tletše ngwang bogodimo bja moago, go nyakile, ka pere le karikana, ke tilibara dinawapotoro le dilo go tloga polaseng.

<sup>58</sup> Bjale ke e feta ka sefatanaga sa go oketšwa maatla. A phapano! Pere le karikana, morago letšatši la sefatanaga.

<sup>59</sup> Gomme morago letšatši la sefofane le tla mmogo, seo se ilego go tloga lefaseng go ya ka moyeng. Bjale, ge le ka šetša, ka nnete bjalo ka phihlelelo yela e bile ka saense, ge motho a ka ba le monagano wa semoya gomme a kwešiša, e be e emela phihlelelo ya ekonomi ya Modimo le Kereke ya Gagwe. Bjale matšatši . . .

<sup>60</sup> Gomme, elelwang, motseta ka mehla o tla bofelong bja Molaetša. Re tseba ka go mabaka a kereke kua ka fao re nago le ao.

<sup>61</sup> Bjale, matšatši a pere le karikana e be e le mang? E be e le bofelo bja lebaka la Lutheran. Le a bona, matšatši a pere le karikana. Ba dumetše ka go tokafatšo. Modimo o tliša Kereke go tšwa go Boroma, Bokatoliki, O e tlišitše ka go phihlelelo ya yona ya semoya ya mathomo, gore, “Moloki o tla phela ka tumelo.” Ao e be e le matšatši a pere le karikana, ge ba etla go tšwa . . . go ya go matšatši a pere le karikana, seo se fedile.

<sup>62</sup> Bjale, phihlelelo ya go latela motho a bilego ka tsela ya dinamelwa e bile sefatanaga. Gomme, le a lemoga, sefatanaga sela se oketšega nako yohle, ka maatleng a sona.

<sup>63</sup> Bjale, mafelelong a lebaka la Wesley, le tlišitšwe ka gare ke phihlelelo ya semoya, tlhwekišo, go rago gore kereke e phagamile go tloga seemong sa go lokafatšwa go ya seemong sa go hlwekišwa.

<sup>64</sup> Bjale, ke nyaka le elelwe se ge re eya mmogo, gore kereke e bitšwago “kereke” ga se Kereke. Kereke ke Kereke, ya semoya! Masome a dikete atiša ka dikete tša Malutheran ba ba tšoennego kereke, ga ba tseba selo ka ga tokafalo go fetiša kolobe e tsebile ka ga sala ya ka thoko. Ga—ga se ba tseba selo ka yona. Gomme ka go lebaka la Wesley, ka fao masome a dikete ba ipoletšego tlhwekišo, ba be ba sa tsebe go feta ka maatla a tlhwekišo a Modimo go feta—go feta ka mo mmutla o dirago ka dieta tša lehlwa. Le a bona, ka go felela ga se ba e tseba.

<sup>65</sup> Eupša go be go le batho ba ba e fihleletšego. Haleluya! Le bona mo ke yago. Go be go le yo mongwe a tsebilego se “go lokafatšwa” go bego go se ra mahlong a Modimo, “go beng le khutšo le Modimo ka Morena wa rena Jesu Kriste.” Go bile le ba bangwe ba Malutheran ale ba bego ba botega. Ba Le dumetše.

Ga go kgathale se kereke ya Katoliki e se boletšego, ba dumetše Lentšu la Modimo gomme ba eme godimo ga Lona ka gobane motseta wa lebaka leo o rerile “moloki o tla phela ka tumelo,” gomme ba dumetše ka go seemo sa go lokafatšwa. Gomme ba kgonne ka mogau wa Modimo go fihlelela tokafatšo, go ba le khutšo le Modimo ka Morena wa rena Jesu Kriste.

<sup>66</sup> Bjale, re hlkomela gape, go tlie Mamethodist ka tlhwekišo. Go bile le ba bantši ba Mamethodist ale ka kgonthe ba bego ba hlwekišitšwe. Bjale, go na le bontši bja bona ba e tleleimile gomme ba sa tsebe selo ka yona. Kereke ya Methodist e rutile tlhwekišo. Ba rile ba ile tlase le go lla le go tla morago godimo, ba re, “Letago go Modimo, ke hlwekišitšwe!” Gomme ba ile thwi pele ba phela boka ba dirile ka mehla. Eupša ba bangwe ba banna le basadi bao gabotse ba hlwekišitšwego go tšwa go dilo tša lefase, le go phela bja boikgafo, bophelo bja go itlhokola. Gobaneng? Leo e bile lebaka la sefatanaga le le tšerego maatla a mantši a pere. Sefatanaga, T-motlolo wa kgale se be se le ka kgonagalo maatla a pere a lesometlhano goba masomepedi. Le a bona, e bile le dipere tše lesometlhano goba masomepedi di kgobokeditšwe ka go entšene ye nnyane ka mokgwa wola. Tlhwekišo! Ge saense e fihlelela se sengwe ka—ka—ka tlhagong, Modimo o fihlelela se sengwe ka semoyeng. Le a bona, se sengwe se ya pele nako yohle. Gomme ka gona morago ga lebaka le le hlwekišitšwego . . .

<sup>67</sup> Bjale, re tše monna boka mokgalabje Bevington. Monna, ke mang a ka bego a bile monna yo mogolo go feta mokgalabje Ngwanesu Bevington? Gomme lebelelang John Wesley, George Whitefield, Finney, Knox, ba bantši ba Mamethodist ale a kgale bao ba e tšwetšego mphufutšo. Ba ile ba kgabola hele lefaseng, tlaišego, gobane ba dumetše gore Lentšu la Modimo le rutile tlhwekišo, kgato ya bobedi ya mogau, gomme ba dutše le yona, gomme ba e dumetše, gomme ba dirile matete ka yona. Feela go swana le ge Henry Ford le bona ba dirile ka senamelwa sa Ford T-motlolo wa kgale godimo ka thoko ga pere, o sepeletše pele le ka godimo ga letšatši la pere. Gomme Wesley o sepeletše pele ka gare godimo ga letšatši la Lutheran.

<sup>68</sup> Gomme morago go latela gwa tla Pentecost. Gomme bjalo ka ge saense ya lefase e kgonne go fihlelela mm—mm mmotoro wa sefatanaga, Barwarre ba gaWright bao ba hlotšego goba ba dirilego, ba tšweleditše, ke ra gore, sefofane, motšhene wa go fofa o be o le kgole ka godimo ga koloi mo lefaseng, gobane o ile moyeng. Bjale, Barwarre ba gaWright, ka phihlelelo ya bona, ba kgonne go tsea saense le go ekiša se sengwe mo lefaseng, go laetša gore fao go be go le selo se segolo sa semoya se lokelago go direga. Gomme ge Barwarre ba gaWright ba kgonne go fihlelela go tloša maoto a monna mobung, Pentecost e wele gomme ya tšeela moyeng ka mpho ya semoya, ka kolobetšo ya Moya wo Mokgethwa. O ile a tsea go ya moyeng! Oo, haleluya! O tlošitše

maoto a gagwe go tloga mobung gore a kgone—a kgone go thutha go dikologa, a fihla godimo ka moyeng! Oo, o be a le bokgole gakaakang ka godimo ga pere le karikana! O be a le bokgole gakaakang ka godimo ga sefatanaga! O be a le godimo ka moyeng. O be a kokota le go fegelwa le go kokota ka maatla, eupša o be a fofa. Le a bona, se motho a se fihlelelago lefaseng, ka gore di be di dirilwe ka dilo tše di sa bonalego. Modimo o be a kgona go fihlelela se sengwe ka batho ba ba tladitšwego ka Moya bao ba bego ba swerwe ke tlala le lenyora, le bao ba tla dulago le Lentšu.

<sup>69</sup> Bjale, ge Wesley a ka be a se a tepogela ntle go Lentšu gomme a hwetša leina le lebe ka morago ga gagwe, o be a bitšwa monna wa segafa, le se sengwe le se sengwe gape, o be a ka se tsoge a kgonne go fihlelela. Eupša Wesley e be e le yo mongwe wa borasaense ba bagolo ba Modimo. Luther o be a le yo mongwe wa borasaense ba bagolo ba Modimo. Ba be ba sa tshwenyege se dikereke di se boletšego, se mekgatlo e se boletšego. Luther ga se a kgathale se Makatoliki ba se boletšego, o dumetše moloki o tla phela ka tumelo! Haleluya! Gomme o tšere dikhemikhale tša Modimo tša Lentšu le go di bea mmogo, gomme kereke e sepetše ka tumelo. Wesley o e beile mmogo ka Madi, le go e netefatša ka Madi, gomme kereke ya hlwekišwa. Mapentecostal ba dumetše gore kolobetšo ya Moya wo Mokgethwa, gore tshepišo ke ya lena le bana ba lena le bona bao ba lego kgole, gomme ba beile dikhemikhale mmogo go tšwa go Lentšu, gomme ba sepeletše ka moyeng. Haleluya! Ba tšwetše ntle, gobane ba be ba kgona go fihlelela se sebjalo.

<sup>70</sup> Bjale, gobaneng monna ba ba dirile se? Gobaneng Luther a e hweditše? Gobaneng Wesley a e hweditše? Gobaneng ba bangwe ba ba dirile? Ka baka la gore materiale o be o robetše mo lefaseng wo o bego o kgona go dira Ford ya T-mmotlolo. Go be go le mohlagase woo o kgonnego go dira ko—ko koloi go kitima. Go be go le makhura ka lefaseng, go be go le dipistone le go ya pele, dikgerekgere tšohle, khabone bakeng sa sefehlamaatla, le se sengwe le se sengwe ba bego ba swanetše go ba le sona go hlola selo se, gomme hlokomelang se thomile . . . go se tšweletša, a ke re, e sego go se hlola. Modimo ke Mohlodi, O bile le yona e robetše mo. Eupša motho yo a dumetšego ka go sekgao sa semoya, sa tlhagong, o fenyekollotše ka go sona, gomme ba be ba ka se tšee “aowa” bakeng sa karabo. Ba e dumetše. E be e le kutollo ka pelong ya bona, gomme ba dutše le yona go fihla ba netefatša gore e be e lokile.

<sup>71</sup> Ke ka mokgwa wo John Wesley a netefaditšego tlhwekišo. Ma—ma materiale o be o robetše mo, Lentšu la Modimo le o tlišitšego. O ile a le dumela! Ga go kgathale ge eba kereke ka moka, kereke ya Anglican le tšohle di mo šikologile, o dutše le phenyego ya gagwe gomme a e netefatša. Gomme Mapentecostal ba tla go dikologa le go netefatša, gobane ba bile le materiale,

gore Moya wo Mokgethwa o be o rereša. Gomme ba tšere go ya moyeng.

<sup>72</sup> A le lemogile, ye nngwe—ye nngwe ya diphihlelo tšela e felegeditše ye nngwe, e thusitše ye nngwe. E be e no ba sebopego sa godimodimo. Le a bona? Sefatanaga e be e le sebopego sa godimodimo sa go namela go feta pere, gomme sefofane se bile senamelwa sa godingwana go fetiša sefatanaga, eupša di felegetšane seng. Maatla a pere! Amene! Ge ao e le maatla a pere, go reng ka maatla a Modimo? Go reng ka Moya wo Mokgethwa le maatla? Maatla a Moya wo Mokgethwa ao a kgonago go le lokafatša, maatla a go swana a Moya wo Mokgethwa a ka kgona go le hlwekiša. Maatla a go swana a Moya wo Mokgethwa ao a le hlwekišago, a ka kgona go le tlatša ka Bogona bja Gagwe. Gomme saense ye nnyane, yeo e bego e sa tsebe boABC ba bona, ba e hweditše. Ka baka la eng? Ba be ba le borasaense ba semoya. Amene. Ba bone selo, ba se dumetše. Motho o e dirile ka thuto, rasaense wa tlhago. Rasaentshe wa semoya o e dirile ka kutollo. E tee ka thuto, ye nngwe ka kutollo. Oo, ge re ka no bula. Go ne mehuta yohle ya materiale o robetše mo. Yeo ke nnete.

<sup>73</sup> Bjale re lemoga ka fao e yago, ka fao Modimo a bego a kgona go fihlelala seo. Ka go Mapentecostal, o tšeetšwe moyeng. Ka fao ba . . . Morago ba bušetša morago go kereke, phodišo, go bolela ka maleme, kutollo, dimpho tša Moya. Tšela, Luther ga se a tsebe selo ka tšona, le Wesley ga se a ke. Ga se ba ke ba e ruta, ga se ba ke ba tseba selo ka yona. E be e tšwele lebakeng la bona.

<sup>74</sup> Gobaneng, ke eng se Henry Ford a se tsebilego ka sefofane mo go bona letšatši pele ga Barwarre ba gaWright? Le a bona, ba be ba ka se e tsebe. Ka gona selo sa go swana seo mo—mo monna morago kua le go otlela pere le karikana, mengwaga ye makgolotlhano ya go feta, ba ka se tsebe selo ka ga karikana ya go se be le pere, ke feela Beibele e boletšego e tla ba gona. Kafao ba kgonne go e fihlelala ka diphatišišo tša saense. Gomme ge e diregile lefaseng, Modimo o e emetše ka phihlelelo ka Kereke ya Gagwe. “Ka gore dilo tše di lego gona, di a bonala, di dirilwe ka dilo tše di sa bonalego.” Le a bona, ponagatšo ya lona.

<sup>75</sup> Bjale, bjale lebaka la Pentecostal, lebaka la mengwaga ye masometlhano ya go feta, o rometše tsošeletšo go dikologa lefase, le mehuta yohle ya se sengwe le se sengwe ka go yona. Gomme ba bile le diphodišo, gomme malwetši a fodišwa, digole di fodišitšwe, difofu di bile le pono ya tšona e bušeditšwe go bona. A le nagana lefase le e dumetše? Aowa, mohlomphegi. Ga se ba dumela Luther. Ga se ba dumela Wesley. Ga se ba dumela Mapentecostal. Eupša Modimo o tšere Beibele, ka diphatišišong tša gagwe, monna yo a bego a rata go e dira, o tšere Beibele le go netefatša go yona gore E be e lokile. Amene. Bjale re swanetše go elelwa seo, re swanetše go se dumela, go boneng dilo tše o be e le sekai. Bjale re phetše lebaka la Pentecostal. Lebaka la

Pentecostal, bjalo ka ge ke netefaditše godimo kua, go ya ntle ka go lebaka la Laodikia.

<sup>76</sup> Eupsa bjale se sengwe gape se diregile. Re na le sephatšamaru bjale. John Clenn e be e le sephatšamaru sa rena sa mathomo. Gomme re hwetša gore bjoo ke bokgole kudu ka godimo ga sefofane, sefofane se kgona feela go ya bokgole bjalo ka kgatelelo ya sona le go ya pele. Eupsa se ke ka maatla a athomo, maatla a magolwane ao a mo pinyeletšago godimodimo kudu go feta sefofane, sefofane ebole—ebile ga se ka go sona. Yeo ke nnete. O kgonne go dira seo. Go lokile. Bjale re na le sephatšamaru, lebaka la tlhago.

<sup>77</sup> Gomme, elelwang, motseta o tla bofelong bja molaetša wa pele, ka mehla. Re netefaditše seo kua. Bjale re go mothalo wa sephatšamaru. Amene le amene! Modimo o . . .

<sup>78</sup> Saense e kgonne go netefatša gore go na le sephatšamaru seo se ka yago bokgole bjoo go fihla o sa kgone go se bona ka mahlo a gago a tlhago, gomme se kgona go ya ge eba go ne kgatelelo ye itšego fale goba aowa. A ka no ya pele ntle gobane ka go tanka ya go tlatšwa moyo, gomme o kgona go ya godimo fale le go sesa go dikologa le go bona mafase go dikologa. Sephatšamaru! Oo, nna, a lebaka le le tlago. Ee, mohlomphegi, o ya bokagodimo ga dilo e ka ba dife tša tlhago le gatee, gomme a swiele thwi godimo ntle go ya ka mošola.

<sup>79</sup> Se emela eng? Lebaka la semoya, nako ya semoya moo Modimo a yago go ba le diphatšamaru tša semoya. Amene! Ba mo thwi bjale! Haleluya! Dintšhu tša sebakeng tše di kgonago go ya mošola ga nonyana efe ye nngwe, di sesa ka godimo ga se sengwe le se sengwe, diphatšamaru tša semoya (Letago!) tše di kgonago go tše Lentšu la Modimo le go netefatša gore O a swana maabane, lehono, le go ya go ile. Sephatšamaru sa semoya! Oo, nna! Letago! Seo se ntira go ikwela gabotse, go phela ka go lebaka le! Bjale a selo sa go makatša bakeng sa sephatšamaru sa semoya! Le a bona? Ke eng? Borasaense ba tlhago ba dirile eng? O kgonne go fihlelela seo. Gomme Modimo, ka motho yo a tla dulago le Beibele le go bolela gore “O a swana maabane, lehono, le go ya go ile,” gomme ba sa boife tshepišo go sa kgathale se e ka ba mang a se boletšego, dulang le yona. Ke eng? O ba ka go sephatšamaru seo se kgonago go ya bokgole bjoo se lego ka godimo ga go nagana ga kerekeleina. Ke ka godimo ga e ka ba eng gape. Ke ka godimo ga dilo tša kereke. Ntle mošola le Modimo gomme le šala le Yena a nnoši. Diphatšamaru!

<sup>80</sup> Gomme, elelwang, gore ba be le sephatšamaru, ba ile ba swanela go tsena ka tankeng, gomme ga ba kgone go itaola bonabeng. Go tše maatla a ratara, maatla a athomo go mo kukela ntle mošola wa sebakabakeng, gomme ka gona o laolwa ke tora. Letago! Diphatšamaru tša Modimo di go swana! Ba tla ka tankeng, le go ya ka lefelong, go ya ka mmeleng, gomme

mmele woo ke Mmele wa Kriste. Gona, ga se bona, ga se—ga se gona, e be se John Glenn, e bile—e bile tanka yeo a bego a le ka go yona. E be e le motšene. O nno dula fale, ga se a dire selo. O be a no ba le sebete sa kgonthe sa go sekä go fihla godimo kua le go re “ke nnete,” gobane saense e e netefaditše.

<sup>81</sup> Modimo o nyaka motho yo a ka kgonago go tla ka go Kriste le go dumela gore O a swana maabane, lehono, le go ya go ile, gomme ba se tsee go nagana ga bona beng, ba sepelela ntle ka sebakabakeng, ba laolwa ke Moya wo Mokgethwa. Amene. Diphatšamaru! Fše! Ke bokgolo bjo bokae go tloga go pere le karikana ya kgale! Go bokgole bjo bokae ebile go lego go tloga go sefofane! Ke bokgole bjo bokae go tloga go tokafatšo, tlhwekišo, kolobetšo ya Moya wo Mokgethwa! Ba tla go dintšhu. Sa pele, e be e le mekgaditswane, morago ba bile dikgogo, ka gona di ba magokubu, eupša bjale ke dintšhu. Ga go yo motee a ka kgonago go di latela!

<sup>82</sup> Ntšhu ke nonyana ya go ikgetha. E kgonago go ya godingwana go feta nonyana ye nngwe le ye nngwe gape. O lokišeditšwe go bona, go boloka hlogo ya gagwe e lekanetše ge a fihla godimo kua. Go ne batho ba bangwe ba ka kgonago go tabogela godimodimo gomme ga ba tsebe moo ba lego morago ga ge ba fihla fale, gobane ga a kgone go bona kgojana go fetiša se a se tabogilego. Eupša go na le ba bangwe bao ba ka kgonago go lebelela morago le go bona se se diregago. Yeo ke ntšhu. A ka kgonago go ema fale go fihla a e lebeledišiša, le go leta go fihla a ekwa molaetša woo o mmotšago se a ka se bolelago. Seo ke sephatšamaru sa Modimo. Le a bona? E latetše diphihlelelo tšohle tše dingwe, gobaneng e ka se latele phihlelelo ye?

<sup>83</sup> Diphatšamaru bakeng sa Jesu. Amene. Ebile ga se a tloga ka maatla a gagwe mong. O thunyeditšwe ntle. Selo se nnoši a se se dirago ke go tsena ka go yona. Seo ke sohle o swanetšego go se dira, ke go tsena ka go yona, Modimo o tla dira go thunya le go bea. Ga e sa le maatla a petrole gape, ešita, thutotumelo ye nngwe ya kereke. Ke maatla a Modimo a athomo ao a go kgoromeletšago thwi ntle sebakabakeng ntle mošola. Amene. Oo! Gobaneng, ke eng, diphatšamaru tše? Ba na le... Ga se nke ba hluka... ba nno tsea lentšu tokafatšo, feela lentšu tlhwekišo, o tsene ka go Beibele ka moka. Amene. O tsene ka go yona yohle, ka lebaka la gore o a tseba gore Modimo o kgonago go phethagatša tshepišo ye nngwe le ye nngwe A kilego a e dira. O no dula fale le go leta. Oo, nna! Lentšu le tlemege go iponagatša Lonamong. Ge o babja, gomme o le sephatšamaru, e no elelwaa, tsena ka go Kriste, leta go bala go ya fase. Seo ke moka. O tla thuntšha kolo, o se tshwenyege. Bjale, o kgonne go e fihlelela gobane Modimo o e tshepišitše.

<sup>84</sup> Bjale, sephatšamaru se bogolo bokaakang, dilo tše bjale, go tšwa maatleng a pere ya kgale, maatla a sefatanaga, le—le maatla a sefofane! Le a bona, sephatšamaru, se godimo kudu

go fihla a kgona go bona dilo tše monna ka go pere le karikana a sa kgonego go di bona. O godimo kudu a ka kgona go bona dilo tše monna mo sefataganeng a sa kgonego go di bona. O godimo kudu go fihla a kgona go bona dilo monna a fofisago sefofane a sa kgonego go di bona. O ile thwi ka ntle ga go fa mabaka. Amene. Letago! Yeo ke yona. O ile ka godimo ga phihlelelo e ka ba efe motho a ka naganago ka yona, mokgatlo, kerekeleina, “O swanetše go ba Momethodist, Mobaptist, goba wa e tee *ye*, mooneness, twoness,” goba eng kapa eng e lego yona. Ke sephatšamaru, o sesetše go tloga ntle ka sebakabakeng. Amene. Ke leboga bjang!

<sup>85</sup> Gomme, elelwang, sephatšamaru se laolwa ke maatla a ratara. Le ba bone ba tliša John Clennnin ka gare. Ke lebeletše tlase fale go Cape Canaveral gomme ke bone selo sela sa ratara ye kgolo bogolo, gomme ebile o be o sa kgone go mmona felo, eupša o be o ka kgona go bolela mo a bego a le gona ka tsela ye ratara e bego e šupile. Fao ke mo a bego a le gona. Le a bona? Gomme re na le ratara, gape, thapelo. Thapelo ke maatla a ratara ao a šupetšago sephatšamaru. “Kgopelang Tate eng kapa eng ka Leina la Ka, Ke tla e dira.” Le a bona? E nong go šetša ka tsela ye thapelo e yago, le kgona go bona ka tsela ye a šupilego. Amene. Nno šetšang ka tsela ye kereke e rapelago, le kgona go bona ka tsela ye dimisaele di tla fofago. O ka kgona go e bolela ka—ka tsela ye diphatšamaru di sepelago, ka tsela ye kereke e rapelago.

<sup>86</sup> O a rapela, “Morena, nnete ga re dumele ka go dilo tše.” Uh-oo! Sephatšamaru sela se tla fase. Ke phetho. Oo, ngwanešu!

<sup>87</sup> Eupša ge dilo tšohle di kgonega, “Morena, tšhollela ntle Moya wa Gago godimo ga kereke gomme o fe se re se hlokago. Re tšhele godimo ka Moya wo Mokgethwa, gomme e no re tše go tšwa go lebaka le lengwe le le lengwe, le go dumela gore Lentšu leo le lokile gomme re ya go ema thwi hleng le Lona.” Šetšang sekerini nako yeo se thoma go phagamiša hloga ya sona ka mokgwa wo, le a bona. Sephatšamaru se ya pele le pele le pele, godimogodimo ka moyeng. Hmm! Go a makatša! Go ya bokagodimo ga kerekeleina e ka ba efe, e ya bokagodimo ga thutotumelo e ka ba efe.

<sup>88</sup> Bjale elelwang, tokafatšo e abetšwe thutotumelo, yeo ke nnete, le dumela tokafatšo boka felotsoko boka Malutheran le e ka ba eng ya balatedi ba bona. Ke seo ba lego, disathalaete, eupša se ešo tša tloga lefaseng. O tše thlwakišo le disathalaete tša bona. Wa re, “Disathalaete tša Lutheran ke eng?” Gabotse, Church of Christ le sehlopha sela fale. “Ke eng e sathalaete go Wesley, go Mamethodist ka mokgwa wola?” Nazarene, Pilgrim Holiness, disathalaete tša bona. Gomme morago Pentecostal le disathalaete tša bona, sefofane, kgonthe, oneness, twoness, threeness, fourness, tšohle tše pele godimo, Foursquare, Church of God, tšohle di sa ne thutotumelo ka go kerekeleina.

<sup>89</sup> Eupša sephatšamaru se thuba sešitišalešata. O no ya thwi pele go kgabola. Ga a kwe selo. Oo, nna! O no ya ka godimo ga yona yohle. Le a bona, o godimo ka kua moo dilo tšohle... O phela ka Bogoneng bja Modimo. Ee, mohlomphegi. O e tshepišitše, Lentšu la Gagwe le bolela gore Yena ke Moprista yo Mogolo. Le bona ratara ye kgolo yela e dutše ntle kua e sepela? Mo šetšeng ka kopanong. Le ka šetša ge Moya wo Mokgethwa o etla fase ka sebopego sa Pilara ya Mollo boka A tshepišitše. Monna ga a ye go be a dutše fale a leka go E fa mabaka ka saense, modumedi wa kgonthe. Ke Yena eng? Ke Yena Sekerini sa Ratara. Mo šetšeng. O thoma go šupetša tikologong. Amene. Gomme e swara sela fale, sephatšamaru sela. “O ne kankere. O ne sagorelegore. Wena o Semangmang go tšwa lefelong le lebjalo. Morena o a go fodiša.” Haleluya! O sesela go tloga. Diphatšamaru! Oo, nna, a Kereke E swanetshego go ba yona! E mo.

<sup>90</sup> Phihlelelo e netefaditše ke saense. Ba e bontšhitše ntle mošola ka go Bobotse bja Lefase. Re e hweditše. Amene. E netefaditše mogohle, lebaka la sephatšamaru re phelago ka go lona. Le a bona, “E dirilwe ka dilo tše di sa bonalego.” Le a bona, e dirilwe ka se sengwe go tšwa Legodimong. Ke Modimo ka Boyena; o ka sekgaong sela sa boselela. Ke maatla a Modimo. Re bile ka lefelong le le bjalo go fihla re phagamišeditše godimo ka sekgaong sela, ka godimo ga selo se sa go ya lebitleng le go lla, selo se sa go go bea segomaretši godimo ga maswaro a lemati le go re šalabotse go ya go ile. Haleluya! Re šetše re tsene ka go sephatšamaru, le go sesa go tloga ya mošola le go bona mo se lego, le go bowa morago. Letago! Re ya Gae mošola wa lefaufau mošola, ka godimo ga go fa mabaka ga motho. Kafao batšofe ba tla fetolelwago ka nakwana ya go panya ga leihlo. Re tla ba bona kua, bakgalabje le bakgekolo, baswa gape. “O tseba bjang?” Beibele e a e ruta! Gomme, Modimo o thunyeditše sephatšamaru godimo ka kua, re tseba se e lego mabapi le sona, go tla morago. Ga go na matshwenyego ka ga go hwa. Go hweng ga se selo. Kgonthé, ke go phela. Ee, mohlomphegi. E no ba go tloša maoto a gago go tloga mobung gore re kgone go ya. Oo, go makatša bjang!

<sup>91</sup> O tshepišitše dilo tšohle tše ka go Lentšu la Gagwe, bakeng sa Bahebere 13:8 e rile, “O a swana maabane, lehono, le go ya go ile.” Dilo tše A bego a kgona, Modimo o be a ka di fihlelela ka monna yo motee yo a bego a tla ineela yenamong go lona, go Lentšu la Modimo, ka gore, bjalo ka ge ke boletše bošego bja go feta, ka mehla o be a eme le Lentšu.

<sup>92</sup> Bjale, a le tseba eng, diphatšamaru ka kgonthe ga se selo se seswa. Go reng ka Eliya? Ge eba o be a se sephatšamaru, ga se nke ka ke ka se bona. O ile moo John Glenn a sa nkago a nagana go ya gona.

<sup>93</sup> Gabotse, le a tseba, ba bile le yo mongwe o fapogetše ka go mosepelo wa go nokologa nako ye nngwe. Leina la gagwe e be e le Henoge. O nno sepelela pele godimo, eupša o be a le sephatšamaru. Nnete. O be a tladišwe moyo, o be a se a swanela go fetolwa, ga go selo. Aowa, o be a šetše a tladišwe moyo ge a thoma go sepela. O nno sepelela thwi pele go tšwa go dikgao tšohle le se sengwe le se sengwe, a sepelela ntłe ka Bogoneng bja Modimo.

<sup>94</sup> Gomme kafao moisa yo motee wa kgale o be a lapile le go se kgone go sepela gabotse kudu gape. O be a kgakgane le Isebele, le moriri wa gagwe wo mokopana le pente le se sengwe le se sengwe, go fihla Modimo a no romela koloi fase, o rile, “Ke tla no go dumelala o ottele godimo go kgabola maru morago ga sekgalela se.” Sephatšamaru!

<sup>95</sup> Nako ye nngwe Yo mongwe o tlie go re hwela rena ka moka, gomme Modimo o Mo tsošitše ka letšatši la boraro. Gomme banna ba makgolotlhano ba eme kua le go Mmona a tšeelwa godimo ka marung, le Segalontšu se re, “Ke tla tla gape.” Gomme Barongwa ba boile morago ba rile, “Jesu yo wa go swana o tšeetšwe godimo, Makgone Sephatšamaru, o tla bowa gape ka mokgwa wa go swana, ka mohuta wa go swana wa bodulo woo A lego ka go ona, mmele, wa go se hwe.” Haleluya! “Gomme re tla ba le mmele boka mmele wa Gagwe Mong wa letago, gobane re tla Mmona ka mo A lego.” Oo, haleluya! O robile dišitišamodumo tšohle, dišitiša tša go bea mabaka tšohle, gomme o ile ka godimo ga go fa mabaka, o ile ka mošola wa e ka ba eng gape.

<sup>96</sup> Gomme motho mang kapa mang yo a ka tsogego a phelela Modimo o tla swanela go ya bokagodimo ga dikwi tše tlhano, o tla swanela go ya ka go thuto e ka ba efe, phihlelelo e ka ba efe yeo motho a kgonago go e dira, le go dumela Modimo, go roba se sengwe le se sengwe le go se beela thoko, le go swiela godimo ka Legodimong. Amene. Oo, se diphatšamaru le go ya pele di se fihleletšego ka tlhagong, Modimo o kgonne go se dira ka kereke ya Gagwe, ka semoya, ke batho ba semoya bao ba tla dumelago. Monna goba mosadi e ka ba mang yo a ka lekago nako efe kapa efe, nako efe kapa efe go tsea Modimo Lentšung la Gagwe, ke sephatšamaru.

<sup>97</sup> Ba tla re, “Oo, seo ga se hlake. Ekwa batho bale ba goeletša, ba goa, ba kwa se? Oo, seo ebile ga se kwagale.” Seo ga se kwešiše.

<sup>98</sup> Yo mongwe o mpoditše, o rile, “O bile le toro, Ngwanešu Branham, ge o bone lefelo lela.” Ga se nke ka ba le toro. Ke be ke eme godimo kua ke lebeletše tlase mo ke bego ke robetše malaong. Nka no be ke be ke lora mo malaong, eupša ke be ke le godimo fa ke lebeletše tlase go nnamong. Le a bona? Oo, O nno mpha go namela go gonyane ga sephatšamaru mosong wola, go mpontšha moo ke yago. Gomme go laetša gore ratara ya gago

e tla e šupa ntle, tlwa mo e lego. Bjale, ga se nna, ke Yena. Ke moyo wa gago ka go wena o dumela Molaetša wola, gomme ke Moya wo Mokgethwa o eme fa moo ke lego, gomme o e dumela ka mokgwa woo gomme e a kgokagana; gomme še e tla thwi morago, karabo ya gago. Sephatšamaru! Amene. Oo, go makatša bjang! Ee, mohlomphegi.

<sup>99</sup> Ye kgolo, saense e dirile selo se segolo. Gomme, le a tseba, ba e dirile ye kgolo kudu go fihla ge ba tšhoga bonabeng. Yeo ke nnete. Ba na le bogolo bjo bontši kudu go fihla ba boifa bonabeng. Le a tseba, ba boletše mo e ka ba mengwaga ye mebedi ya go feta, e be e le “metsotso ye meraro pele ga bošegogare.” Ba tšhogile. Ba dira eng? Bjale, motho o kgonne, ka morago ga tlhago ya gagwe ka go sephatšamaru sa tlhago, bjale o kgonne go fihlelela sephatšamaru se. Gomme o nagana bjale gore ge Russia e ka tsoge ya thoma go thuthupiša naga ye, goba naga tsoko ye nngwe, o ya go sesa go ya ngwedding.

<sup>100</sup> Ke bone selo se sennyane se sebotsana letšatši le lengwe, ka kgonthe e be e le se sebotse. Go be go le Maindia a mabedi a mannyane a eme, ba boledišana seng, mekgophya ye mennyane, le a tseba, ka mokgwa woo, le lefofa godimo ka morago ga hloga ya bona, gomme ba no šikinyana seatla seng, ba phaphathana seng. O rile, “Ngwanešu, ka pejana re tla ba le naga morago go renabeng, motho yo mošweu o ya ngwedding.” O rile, “Ka pejana re tla ba le naga ya rena morago gape. Monna yo mošweu o ya godimo ngwedding, kafao re tla ba le naga ya rena beng gape.” Go lokile.

<sup>101</sup> Oo, bjale bohole ba nyaka go dira bontši ka moka bja dikanono tše gore ba kgone go tsena ka go yona. Gomme le—le lebaka la athomo le a tla, ba ya go phatlola lefase godimo, ba no goga *se* gomme ka moka ba ye godimo ngwedding, go tšeа leeto go ya ngwedding, le go ba le lona gohlegohle, gomme kafao ba tla no ba dira ekonomi ye nngwe godimo ga ngwedi. Ga ba ye go fihla kua. Ga ke dumele, ka pelo ya ka yohle, ba tla tsoge ba fihla kua. Le a bona?

<sup>102</sup> Eupša, ka nako ya go swana, modumedi wa therešo wa kgonthe ka go Kriste o tsene ka go Sephatšamaru sa gagwe. Amene. “Ka Moya o tee bohole re kolobeletšwa ka go Sephatšamaru se tee.” Oo, Mmele o tee! O kgona go emela mohuta e ka ba ofe wa kgatelelo. Ba o lekile ka leubeng la mollo, e tla emela mollo, gore o se kgone go swa; makga a šupa fišifiši. Ba e lekile ka go se sengwe le se sengwe, ba tšwela ntle gabotse. Kafao borasaense ba semoya ba kgonne go netefatša gore ba ka kgona go emela e ka ba eng. Kafao mo—mo modumedi wa semoya wa kgonthe o iketile yenamong gomme a tsena ka go Sephatšamaru sa Modimo, Kriste, a dumela dilo tšohle; a beela thoko dithutotumelo tša gagwe, dithutotumelo tša Pentecostal, dithutotumelo tša Baptist, dithutotumelo tša Methodist. O sa tšo tsena ka go Sephatšamaru, a re, “Morena, se komana neng?” Oo,

nna! O dira eng? O tla dikopanong tše nnyane, o theeeditše go bala go theo ga Lentšu la Modimo.

<sup>103</sup> Le a tseba, ge John Glenn a dutše fale mosong wola, ba be ba theeditše go bala go theoga. “Lesome, senyane, seswai, šupa, tshela, tlhano, nne, tharo, pedi, tee, lefeela.” Le a bona? Gomme bjale o fihlile lefelong moo e rego, “Ke metsotso ye meraro go fihla se sengwe se eya go tloga.” Ga ba tsebe gore ke eng. “Metsotso ye meraro go fihla re eba le iri ya lefeela.”

<sup>104</sup> Bjale hlokomelang, modumedi wa kgonthe o ka go Kriste. Ga go go lahlwa go bona bao ba lego ka go Kriste. Rera Lentšu, dula thwi le Lentšu. Ga ke kgathale se dikerekemaina di se bolelago, ba ya go Le dumela. Ba tla ema thwi fao, ka gore ke Lentšu. Dikerekemaina di raga tshele ye kgolo le go ba kgaola, go ba raka, gomme ba re “ba a gafa,” se sengwe le se sengwe ka mokgwa woo. Eupša ba dula thwi le Lentšu lela. Ge feela Modimo a e tshepišitše, ba dula fale gobane ke bona diphatšamaru. Ba dumela Lentšu. Gomme ga go tsela ya go ba fediša. Ba ya go le tlogela go le bjalo, kafao e nong—e nong go ba tlogela ba nnoši lebakana.

<sup>105</sup> Eupša ba ka kua, ba dutše mafelong a Magodimong ka go Kriste Jesu, ba theeditše go bala go theoga, *Mabaka a Kereke* le go ya pele. Letago! Go go dira o ikwele gabotse, a ga go? Go theetsa go bala go theoga! Go bala go theoga ke eng? “Dilo tšohle tše di tshepišitšwe, mo ke moo e diregilego. Dilo tšohle tše di tshepišitšwe, mo ke moo e diregago. Moo tshepišo e lego, fa ke mo e diregilego. Phihlelelo ye A e tshepišitšego lehono, še thwi magareng ga rena.” Ba dira eng? Go theetseng go bala go theoga. E tlide bokgole bjo bokae? Tsela yohle go tloga go Luther. Go bala go theoga! “Tokafatšo, tlhwekišo . . . Lesome, senyane, seswai, šupa, tshela, tlhano, nne, tharo, pedi . . . Eya godimo!” Ba dira eng? Ba letile go thakgoga, iri ya lefeela. amene.

[Ngwanešu Branham, diiri tše seswai moragwana, o gatisitše karolo ya tlaleletšo ye ya go bofelo e hloimeseditšwe ka fa bjalo ka ditemana tša 106-111. O blatholla se nakong ya theroy gagwe ya mantšiboa, *Ka Bogoneng bja Gagwe*, temana ya 4-5—Mor.]

<sup>106</sup> Go dikologa go gogolo go ga Kereke go ba komana go dira, le nako ye kgolo ya go bala go theoga, ke rata go le hhalosetša se ke naganago go bala go theoga e lego sona. Bjale, ke nagana re sa tšwa go e kgabola ka kerekeng mo. Gomme bjale le hlokomela gore, ge sephatšamaru sa tlhago se lokela go tlogela lefase, go ne go bala go theoga go thomago ka lesome morago go ya go lefeela. Bjale, ga se ka leka go kgaola Molaetsa wo fase le go o fa tirišo ya semoya, bjalo ka ge go tla tše nako ye ntši kudu mosong wo. Eupša ke nyaka go leka go hhalosa se go lena, gore *lesome* ke nomoro ya “bolefase,” motho. Eupša šupa ke nomoro ya “phethagaloya Modimo.” Matšatši a tshela O dirile magodimo le lefase, gomme la bošupa O khutšitše. Gomme mengwaga ye

dikete tše tshela lefase le swanetše go katana kgahlanong le sebe, goba kereke e katana kgahlanong le sebe, gomme la bošupa ke Mileniamo, Sabatha.

<sup>107</sup> Šupa ke nomoro ya go phethagala ya Modimo. Gomme bjale O re file go bala go theoga, gomme go bala ga Gagwe ga se lesome, eupša šupa. Re sa tšwa go e kgabola ka go *Mabaka A Šupa A Kereke*. Bjale re hwetša, le godimo ka go Kutollo, go bala go go bile lebaka la mathomo. Go bala go theoga ga bobedi, lebaka la bobedi. Gomme go ya pele go palo ya bošupa go theoga. Gomme fa go bonagala pele ga rena, bjalo ka ge seswantšho se thadilwe, gore re bile le go bala go theoga fa. Nomoro ya pele e badilwego e bile Efeso. Nomoro ya bobedi e badilwego e bile Simirina, Simirina. Morago Peregamo. Thiatira. Ya bohlano e be e le Sarede. Ya boselela e be e le Filadelifia. Gomme ya bošupa e be e le la Laodikia, lebaka la mafelelo la kereke. Gona ke nako ya lefeela, go Kereke go tloga, morago ga ge mabaka a kereke a dirile lebaka la ona. Bjale, re a tseba lebaka la Thiathira le ttile gomme le ile, gomme lebaka la Efeso le ttile gomme le ile, lebaka la Filadelifia le ttile gomme le ile. Gomme re ka go lebaka la kereke ya bošupa, mo bofelong bja lona, lebaka la Laodikia. Gomme yeo ke go bala go theoga.

<sup>108</sup> Ge le ka hlokomela ka go dithuto tša rena tša go feta tša dikereke, O swere ka seatleng sa Gagwe *dinaledi tše agšupo*, tseo re hweditšego go ba “badiredi ba šupago ba mabaka a šupago a kereke.” Ye nngwe le ye nngwe ya tšona e tsebagaditšwe ka go phethagala bjalo ka ge Modimo a tšere palo ya Gagwe go theoga. Ge e sa le go tloga nako ye A tlogetšego, go fihla nako ye A tlago morago, O kgobela mmogo batho bakeng sa Leina la Gagwe. Thomile ka Letšatši la Pentecost. Ya pele, kereke ya Efeso, naledi le motseta wa kereke yeo re dumela go ba Mokgethwa Paulo. O tlide, gomme nomoro ya pele e badilwe. Lebaka la bobedi la kereke, e lego Simirina, e bile Irenaeus, mokgethwa yo mogolo wa Modimo yo a etetšegopele lebaka lela la kereke mo bofelong. Lebaka la boraro la kereke, leo e bego e le Peregamo, e be e le Mokgethwa Columba yo a bego a le mokgethwa yo mogolo wa Modimo. Lebakeng la nako ya Lebaka la Leswiswi, ka tlhomarong, lebaka la bone le palo ya bone, Mokgethwa Martin wa Tours, mokgethwa yo mogolo a etšwa Fora. Lebaka la kereke la bohlano, gomme motseta wa lona e be e le Martin Luther go bala go theoga. Lebaka la boselela e be e le John Wesley ka go bala go theoga.

<sup>109</sup> Bjale re ka go lebaka la bošupa, lebaka la kereke ya Laodikia. Gomme re lebeletše motseta yo mogolo yola wa go tšwelela la bobedi ga Eliya, ka go bala go theoga. Gomme ka pela ge yoo a tšwelela, gona ke nako ya lefeela gomme Kereke e tšeа tsela ya yona go ya Gae, e ya ntle ka sebakabakeng, go ya ka Magodimong, godimo mošola wa ngwedi, dinaledi, se sengwe le se sengwe gape, le go kopana le Jesu.

<sup>110</sup> Ye e tšwa kae gomme ba ile kae? Ka go Sephatšamaru se. Batho ba tsene bjang ka go Sephatšamaru lefelong la pele? Yeo ke tsela ye ba tla swanelago go tsena ka go yona ka lefelong le lengwe le le lengwe, nako le nako. Yeo ke nnete. Swanetše go tla ka gare ka tsela ya go swana la mathomo ba dirilego, ka lebaka la obiti ye kgolo ye ya mmele wo mogolo wa batho. Gore mo nakong ya Noage, go bile le mojako o tee feela, gomme lebati lela e be e le lebati le nnoši la mojako. Se sengwe le se sengwe seo se tsenego, ga go kgathale ge eba ba ile lebatong la pele ka tlase ga tokafatšo, lebato la bobedi, goba lebato la boraro, bohle ba tlie ka gare go mojako o tee. Bohle ba tla ka tsela ya go swana.

<sup>111</sup> Gomme ke selo sa go swana ka letšatšing le la sephatšamaru. Re swanetše go tla ka tsela ye e swanago, go tla ka tsela ye e swanago, ka Molaetša wo o swanago, ka Kriste yo a swanago, ka Maatla a go swana ao ba a amogetšego ka Letšatši la Pentecost. Tsela ya go swana! Go bile nako yohle yo Motee wa go swana, gobane Ke Mojako wa go swana. Gomme re tsena bjang ka mmeleng wo? Ka Mojako. Gomme Jesu ke Mojako go ya Mmeleng wo. Kafao re tla ka gare gomme ra tswalelwa ka go Mmušo wa Modimo, ka Mojako, Jesu Kriste. Gomme bjale Mojako o kgauswi le go tswalela ka la Laodikia, go bala go theoga, gomme Kereke e lokišetša go tšea obiti ya yona ka godimo ga ditlaišego tšohle, tšohle se sengwe le se sengwe, le go sesa tsela ya yona ka magodimong a Magodimo, go rwalela Kereke difarong tša Modimo. Amene. [Ga go selo lefelong la theipi—Mor.] Amene.

<sup>112</sup> Mosong ge ya John... Glenn yo a thakgoga tlase fale, yo mongwe le yo mongwe o be a le difahlegong tša bona, ba lla le go rapela, ba makala se a bego a eya go kgona go se fihlelala. Gomme selo sa pele, mollo o thoma go phatlalala go tloga go tšona diathomo ge misaele wola wo mogolo bogolo o phagama fale ka Cape Canaveral, o eya godimo ka moyeng ka mokgwa wola, gomme batho ba goeletša le go lla le go makala go be go tla direga eng ka go sephatšamaru sa bona se bego se eya godimo.

<sup>113</sup> Oo, eupša Kereke, letago, o phatlalatša mollo wo mongwe le yena. Amene. Go bala go theoga go a tla! Amene! “Tokafatšo, tlhwekišo, kolobetšo ya Moya wo Mokgethwa, lebaka la kereke ya Laodikia,” re bofelong! Jesu Kriste wa go swana maabane, lehono, le go ya go ile! Bothata ke eng? “Lesome, senyane, seswai, šupa, tshela, tlhano, nne, tharo, pedi... lefeel!” Ba ka se be ba lla, eupša go tla ba le go opela le go goeletša le go tumiša Modimo, ge Kereke e tšea sephatšamaru sa yona go ya ka lefaufaung go ba le Jesu Kriste. Amene.

<sup>114</sup> Ka go phihlelelo ya tlhago, ba tšeelwa go ya ngwedding. Ka go phihlelelo ya semoya re tšeela go leba Legodimong. Amene! Sephatšamaru sa tlhago se leka go mo hweletša lefelo ngwedding. Re šetše re na le lefelo ka Legodimong lohle komana. “Ka Ntlong ya Tate wa Ka go ne dintlokgorparara tše ntši. Ke tla ya go le lokišetša lefelo, gomme ka romela Sephatšamaru morago go le

hwetša.” Bala go theoga go a kgatlampana! A le a e dumela? Amene. Go bala go theoga! “Lesome, senyane, seswai, šupa, tshela, tlhano, nne, tharo, pedi, tee, lefeela!” Mollo o thoma go phatlalala, bodiredi bo rwešitšwe mphaphahlogo ka Letagong. Haleluya! Gomme rokhete ya kgale e thoma go fofa, e sego go šupetšwa ngwedding, eupša go šupetša go leba Letagong. Mošola ke yena, mollo wa Modimo o phatlalala. Maatla a Moya wo Mokgethwa a mo phagamiša le ka godimo ga ngwedi, dinaledi, ka godimo ga e ka ba eng yeo e ka tsogego ya fihlelelwa ke motho. Kereke e tla tsea mofofo wa yona go ya difarong tša Modimo ka Legodimong, wo mongwe wa meso ye. Bagwera, monna o kgonne go fihlelela se ba nago le sona ka dilo tša bona tša tlhago, gomme Modimo (ke e netefaditše mo) o e kaile ka semoya.

<sup>115</sup> A re yeng ka go Sephatšamaru, ka pela! Mabati a tla tswalelwā morago ga lebakana. Go bala go theoga go a kgatlampana! Saense e re go bala ga bona ke metsotso ye meraro. Ya rena e ka no ba pele ga seo, e ka no ba “tee” e komana bakeng sa “lefeela!” A re tleng ka gare. A le dumela go bala go theoga go a kgatlampana? A re inamišeng dihlogo tša rena gona feela nakwana.

<sup>116</sup> Tate! “Lesome, senyane, seswai, šupa, tshela, tlhano, nne, tharo, pedi...” Modimo! “Ditšhaba di a thubega. Israele e a tsoga, maswao ao baprofeta ba a boleletšegopele; matšatši a Bantle a badilwe, ka tšhitiso ya letšhogo; boang, O bašwalanywa, ga gabon lena beng.” A letšatši! Seetsa sa mantšiboa se a phadimago. O Modimo, re a rapela gore mosedumele yo mongwe le yo mongwe ka pela o tla beela thoko dikgopolole tšohle tša gagwe tša thuto, dikgopolole tšohle tša gagwe tšeob di lego kgahlanolong le Lentšu la Gago, gomme mosong wo o tla tsena ka go Sephatšamaru se sa letago, ka gobane re tswaletšwe ka go Yona, ka fale go ba karolo ya Sephatšamaru.

<sup>117</sup> Ke a rapela, Tate wa Magodimong, le ka go Mmele wo mogolo wo wa Kriste, gore O tla kolobetša badumedi lehono ka Moya wo Mokgethwa. A nke mogobe o tlatšwe ka batho mosong wo, ba ipolele dibe tša bona le go bolokwa ka Leineng la Jesu Kriste, le go namela Sephatšamaru sa kgale, Morena, seo se yago ka godimo ga ngwedi le dinaledi, le go ya ka mošola wa dithutotumelo, dikerekemaina. Re bile le go bala go theoga. O re boditše se se tla bago, a mararo, magato a mararo a a se. O boditše mabaka a kereke, ka fao a tla yago, lebaka la pele la kereke, lebaka la bobedi la kereke, lebaka la boraro la kereke, la bone, la bohlano, la boselela. Go bala go ke ka bošupa. Gomme ka morago ga šupa, lebaka le; re šetše re le ka go lona, lebaka la mafelelo la kereke. Gomme bjale go bala go theoga go a kgatlampana. Mabaka a šetše a baletšwe, lebaka la Lutheran, lebaka la Wesley, lebaka la Pentecostal. Gomme bjale, Morena, go kgobokana ka go Sephatšamaru, ka galase ye kgolo ya go godiša pele ga Sona, re kgona go bona Letago, go bona Jesu, go Mmona ka go maatla

ohle a Gagwe, go Mmona ka go ditshepišo tšohle tša Gagwe. Se sengwe le se sengwe seo A se tshepišitšego se bonagatša godimo ga rena. Re leboga Wena bakeng sa se.

<sup>118</sup> Modimo, a nke kereke lehono ka pela e tsene ka go lefelo la polokego, gobane ka bjako go tla iri ya lefeela gomme mojako wa Sephatšamaru se segolo o tla tswalelwā, sefofane sa Sephatšamaru. Gomme re tla ya boka Noage a dirile ge a tsene ka go sephatšamaru sa gagwe, bjalo ka ge go bile, o phaphametše ka gare le ka godimo ga meetse ohle a kahlolo. Gomme, Tate, re nyaka go tsena ka go Wena gore re kgone go phaphamala go kgabola meela ya nako, go feta Mars, Jupitere, Venus, godimo ga Tsela Ye Tšhwēu ya Maswi, pele le pele le pele, moo sephatšamaru sa tlhago se sa tsebego selo ka gona. Eupša re a bona gore O mo dumelela go dira seo bakeng sa leswao, gore re ke re be komana go ya. Re sepela go tloga lefaseng. E fe, Morena. Ka la Jesu Kriste Leina, ke a e kgopela.

<sup>119</sup> Mo go robetše disakatuku, Morena, di robetše mo, batho bale ba babjago ba rometše. Ba a dumela, Morena. Gomme a nke ba be malokotlalo a diphatšamaru mosong wo. A nke maatla a Ramaatlakamoka Modimo Yo a bonagatšago Beibele ya Gagwe godimo ga se, gore ba tšere go tšwa mmeleng wa Mokgethwa Paulo, disakatuku le dithethwana, gomme balwetši le batlaišwa ba fodišitšwe. A nke modumedi yola wa go makatša, ge seo se mo kgwatha, a thakgoge, Morena. Bolwetši morago! A nke motho yo mongwe le yo mongwe a babjago fa thwi bjale, Morena, a tsene thwi ka go Kriste Jesu, go Lentšu la Gagwe, tshepišo ya Gagwe. Gomme a re, “Kgopelang Tate eng kapa eng ka Leina la Ka, Ke tla e dira.” A nke ba thome go bala, “Lesome, senyane, seswai, šupa, tshela, tlhano, nne, tharo, pedi . . . lefeela. Eya pele kgole, Morena!” A nke ba tsoge go tšwa mepetianeng, maakong, e ka ba eng e ka bago. A nke ba tsoge go tšwa bolwetšing bja bona bo ba golegilego, go ya ntle mošola ka sebakabakeng moo saense ya dingaka, ga a gona wa bona, a tsebago e ka ba eng ka yona, moo Maatla a Modimo a tshepišitšego ka diphatišio tša sesaense ya Beibele fa, goba phatišio ya semoya, a ke re, ya Beibele; go bontšha gore Modimo o kile a ba Modimo, o sa dutše e le Modimo, ka mehla O tla ba Modimo, gomme Yena ke Mohlokamagomo, Mokgonatšohle, Ramaatlakamoka, Sephedi Motlalagohle se se ka kgonago go boloka Lentšu la Gagwe; le go kgonago go dira dilo tšohle, le go re tshepiša dilo tšohle di a kgonega go bona bao ba tla dumelago. Modimo, e fe.

<sup>120</sup> A nke monna yola wa go hlahlatha goba basadi, mošemane goba mosetsana, mosong wo, bao ba sego ka fale ba theeeditše go bala go theoga ga Lentšu la Modimo, ba tseba gore re thwi tlase, šetše re badile selo sa mafelelo go tloga. O loketše go goelela “lefeela” ka nako e ka ba efe, le kereke go ya. Re bona Molaetša o fela. Re bona tlhomaro e tsoga, bjalo ka ge re boletše bošegong bja go feta. Re a tseba gore nako e batametše. Go bala

go theoga go fedile. O re thušitše fa mo sefaleng go tliša mabaka a kereke fase, le go tšea se sengwe le se sengwe gape le go e netefatša, gore gonabjale ka bontši nako efe kapa efe e ka direga. Modimo Ramaatlakamoka, Yo a hlotšego Magodimo le lefase, romela dikgaogelo tša Gago godimo ga batho le go ba fa seo O nago sona bakeng sa bona se bolokilwe. Ka gore re e kgopela Leineng la Jesu.

<sup>121</sup> Gomme monna le mosadi yo mongwe le yo mongwe ka hlogo ya bona e inamišitšwe. Ge go ka ba ba bangwe mo ba sa tsebego Kriste bjalo ka Mopholoshi wa bona mosong wo, gomme ba ka ratago go Mo tseba le go tsena ka go seemo sa Sephatšamaru se sa mogau wa Modimo, go ya Tlhatlogong, a o ka phagamiša seatla sa gago gomme wa re, “Ke komana, ke nyaka go ba komana bakeng sa Tlhatlogo, Ngwanešu Branham. Nthapediše.” Modimo a go šegofatše. Modimo a go šegofatše, wena. Modimo a go šegofatše, le wena. Ka ntle, ka gare, kae kapa kae mo o lego, e no emiša seatla sa gago. Ka se, e re, “Modimo, ntseele ka gare.” Modimo a go šegofatše. “Ke nyaka go kwa go bala go theoga. Ke nyaka go go go kwa. Ke nyaka go be ke tseba gore ke bolokegile, gore ge mollo o tloga ga ke ye go be ke dutše fase mo ka gare ga pere le karikana. Ga ke ye go ba ka kerekeng, ke otlela sefatanaga. Ga ke ye go ba ka go o tee a kgonago go no tloša maoto a gagwe mobung bjale, botelele go lekanelo go taboga le go ba le lešata le lentši. Ke nyaka go ba ka go se sengwe seo se yago go ntseela mošola wa ngwedi le dinaledi. Ke nyaka go theetša go bala go theoga; e sego thutotumelo ye nngwe, mokgatlo wo mongwe. Eupša ke nyaka go ba ka go Kriste, moo nka kgonago go sesa ka godimo ga e ka ba eng yeo e lego lebaka magareng ga batho. Ke nyaka go ya.”

<sup>122</sup> A go na le yo mongwe pele re rapela? A go na le . . . ? Modimo a go šegofatše, mohumagadi yo moswa. Modimo a go šegofatše, lesogana. Modimo a go šegofatše, le wena morago fao. Ke bona seatla sa gago, gomme ka nneta Modimo o a se bona. Gomme wena, ngwanešu wa ka, wena ngwanešu. “Ke nyaka go ba ka go go bala go theoga. Modimo, a nke ke beeble thoko boima bjo bongwe le bjo bongwe.” Modimo a go šegofatše, ngwanešu. “Ke nyaka go beela thoko sebe se sengwe le se sengwe. Ke na le pelwapelwana Ngwanešu Branham. Oo, nka se kgone go ya ka go Seo ka mokgwa woo. Rapela Modimo e tloše go tloga go nna. Ke—ke, Ngwanešu Branham, ke—ke nwa nthatana gannyane. Ga ke nyake go dira seo. Rapela gore ke tla e beela thoko. Ke a kgoga. Ga ke nyake go dira seo. Modimo o a tseba ga ke nyake go dira seo. Selo se sa tšogo ntlemela fase bjalo, ke—ke no e dira, ke no se kgone go tloga go tšona. Ke a tseba ke phošo, gomme ga ka swanelo go e dira. Nka se ke! Selo se sengwe, ke be ke kamaka Lentšu. Ke be ke no makala ge eba ka nneta Le be le rereša. Nthuše, Modimo. A nke ke, a nke ke no elelwā lohlē la Lona le lokile, gomme ke a Le dumela. Ke nyaka go theetša go

bala go theoga. Ke nyaka go lefelo moo nako le nako ke bonago Lentšu la Modimo le bolela e ka ba eng, Ke nyaka go e feleletša ka ‘amene’ gomme ke re ‘Ke Wena, Morena.’” Bjale bohle... Modimo a le šegofatše. Modimo a le šegofatše, yo mongwe le yo mongwe wa lena.

<sup>123</sup> A go na le ba bangwe mo bjale ba babjago, gomme ba re, “Ngwanešu Branham, mosong wo ke nna Mokriste, eupša ke... Ke bile... ke ne Moya wo Mokgethwa. Ke gatetše go tloga sefofaneng bjale, ke loketše bakeng sa go bala go theoga. Ke tšwetše ka ntłe ga mehuta yohle ya dikerekemaina le se sengwe le se sengwe gape, go theetše go bala go theoga. Eupša bjale ke nyaka go bolela selo se tee se, Ngwanešu Branham, mosong wo, ke a babja. Ke na le mošomo wo mongwe go o direla Morena bjale. Ke theeeditše go bala go theoga, eupša ke nyaka go—ke nyaka go fola. Ke gata godimo ga yona mosong wo, go theetše go bala go theoga.” Go bala go theoga ke eng? Lentšu la Modimo. Le balwa thwi go theoga. O a swana maabane, lehono, le go ya go ile. “Ke nyaka go Mo kwa bjalo ka Mofodiši wa ka mosong wo. Ke nyaka go phagamišetša seatla sa ka godimo le go re, ‘Nthapediše, Ngwanešu Branham.’” Modimo a go šegofatše. Sepelelang ka gare thwi bjale. Sepelelang ka gare thwi. Aletara e tletše, le go dikologa godimo mo, e pakelane godimo ka lebatong. Re ka se kgone go kitimiša mothalo wa thapelo. Ba eme go dikologa maboto le se sengwe le se sengwe. Re no ba le togotogo. Ga ra swanela go dira seo. O ka go—o ka go... O sephatšamaru.

<sup>124</sup> Wena o sephatšamaru. O ya ka godimo ga Luther. Luther ga a dumele go yona yohle. Wesley o beile diatla godimo. Pentecostal e tlotša ka oli. O sephatšamaru, se ile bokagodimo ga go fa mabaka mo gongwe le mo gongwe. Feela ka gore Lentšu le boletše bjalo, ke ya pele. Gabotse, o re, “A Luther ga se a dumela? A leo e be e se Lentšu?” Ya, eupša Wesley o ile godimo ga gagwe. “Gabotse, Wesley a tloditše ka oli goba se sengwe gape. A ga le dumele seo?” Ee, yeo ke nnete. “Pentecostal e leleketshe bodiabolo ntłe.” Ya. “O beile diatla godimo, o bile le phodišo ka diatleng le se sengwe le se sengwe gape.” Ya, ke a tseba seo se lokile, eupša eya pele. Eya pele! Wesley ga a lebelele morago go Luther, Pentecost ga e lebelele morago go Wesley. Le bile ga re lebelele morago go Pentecost. Re diphatšamaru. Re ka godimo ga seo. A re yeng pele. Kriste o boletše bjalo!

<sup>125</sup> O e dira bjang? “Etlə bea diatla tša Gago godimo ga morwedi wa ka gomme o tla dirwa gore a fole,” gwa rialo Mojuda. Jesu o ile gomme a mo direla yona, yeo ke nnete. Eupša ge go etla go Moroma, sephatšamaru, o rile, “Ga ke na maswanedi gore O tle ka tlase ga tħhaka ya ka. E no bolela Lentšu, Morena.” Gomme O setše a le boletše. Yeo ke yona.

<sup>126</sup> Bjale a re phagamišetšeng dipelo tša rena—tša rena go Modimo. A re phagamišetšeng diatla tša rena go Modimo, dipelo tša rena go Modimo. Ka gore eng kapa eng o e nyakago,

phološo, tlhwekišo, kolobetšo ya Moya wo Mokgethwa, phodišo ye Kgethwa, e ka ba eng e lego, swarela diatla tša gago godimo gomme o sware pelo ya gago thwi ka Bogoneng bja Modimo, gomme o lemoge gore o dutše ka mafelong a Magodimong ka go Kriste Jesu, gomme o sephatšamaru sa Tumelo yeo. Eng? Mo go tla go bala! “Lesome, senyane, seswai, šupa, tshela, tlhano, nne, tharo, pedi . . .” O Jesu, etla bjale! Re bea maatla a Leina la Gagwe. Gomme bjalo ka ge re bone bošego bja go feta, Paulo o foufaditše monna, a nke yo mongwe a kitime godimo ga gagwe. Gomme re a bona gore Jesu o kgonne go dira e ka ba eng A—A e dirilego, mehuta yohle ya mehlolo, gomme go le bjalo o be a nepile mo mafelelong a tsela ya Gagwe, ka go bona gore O be a iteilwe tlase le go tshwelwa godimo, le se sengwe le se sengwe gape. Batho ga ba e kwešiše. Ba lemoga gore Modimo o e dira go tiišetša gore ke nnete, gomme gona o leka tumelo ya batho.

<sup>127</sup> Morena, re eme fa gomme re bone ba go foufala moka ba amogela pono ya bona, bolwetši; dikankere tšeо di bego di le moriti wa batho, ba fodile. Re bone bao ba bego ba hwile gomme ba robaditšwe ntile diiri ka morago ga diiri, le go tla morago bophel long gape. Re a tseba gore ke—ke Kriste yo mogolo wa rena yo re lego sephatšamaru ka mmeleng wa Gagwe. Gomme bjale go bala go theoga go a kgatlampana, gomme re ya go dumela mosong wo bakeng sa pholo ya rena, bakeng sa phološo ya rena, le bakeng sa se sengwe le se sengwe re se hlokago. Ka gore ge re e kgopela Leineng la Jesu Kriste, O tshepišitše, “Kgopelang Tate wa Ka e ka ba eng Leineng la Ka, Ke tla e dira.” Gomme seo ke sohle re hlokago go se dira bjale ke go bitša Leina la Gagwe, gomme e swanetše go dirwa. Re theeleditše go bala go theoga.

<sup>128</sup> Morena, ba bangwe ba bona bao e bego e le badiradibe, ba phagamišitše diatla tša bona. Ba letile bakeng sa go bala go theoga, ge go tla tla phetogo ka pelong ya bona, yeo e tla ntšhetšago tshenyego ye mpe ya kgale ntile. Go na le ba bantši ba kgogago disekerete, bao ba lego komana go di bea fase. Ba bantši bao ba dirilego dilo tšeо ba bego ba se ba swanela go di dira, gomme ba loketše go e bea fase, ka gobane re kgopela Modimo Ramaatlakamoka Leineng la Jesu Kriste go tloša se sengwe le se sengwe seo se štišago Kereke mosong wo, go tloga bolwetšing go ya sebeng, gomme a nke kereke ye e lokologe. Leineng la Jesu Kriste, a nke maatla le Maatla a Ebangedi ye kgolo, Mollo wa Moya wo Mokgethwa o thome go šwalalana, gomme diphatšamaru tše kgolo tša Modimo di tlogue go ya go tlhologelo ya pelo ya bona lehono. E fe, Ramaatlakamoka Modimo. Ke ba Gago. Gomme a nke ba amogele phodišo ya bona, phološo ya bona, le e ka ba eng ba e hlokago. Ke ba neela go Wena, le go ba neela go Wena ka thapelo ya ka, godimo ga aletara moo Madi a Jesu Kriste a robetšego e le a maswa mosong wo. Leineng la Jesu Kriste a nke ba amogele se ba se kgopetšego.

Gomme batho ba rile, “Amene.” [Phuthego e re, “Amene.”—Mor.]

<sup>129</sup> Kafao, E dumele! A Go be bjalo! Ke a E dumela. Ke a dumela. Amene. Ke a tseba gore Yena ke Modimo. Ke a tseba re komana bakeng sa phihlelelo ye kgolo ya Modimo. Phihlelelo ya Gagwe ke eng? Go tlogela lefase. Sephatšamaru se ya ngwedding, lefase le lengwe. Gomme Kereke ya Modimo (go tšwa sefaneng, go tloga go bokamorago bja dipere le go ya pele) e tloga bjalo ka sephatšamaru, go ya go lefase le lengwe, e lego Legodimo. Go bala go theoga, e godimo. Amene.

Le a Mo rata? [Phuthego e re, “Amene.”—Mor.] Gona a re phagamišeng diatla tša rena gomme re opele.

Ke a Mo rata, ke a Mo rata  
Gobane O pele . . .

Go lokile, Ngwanešu Neville.

Tumišang Morena! Gomme Modimo a le šegofatše go fihla bošegong bjo ge ke le bona.



*GO BALA GO THEOGA* NST62-0909M  
(Countdown)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Setemere 9, 1962, ka Tabarenekeleng ya Branham, ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)